



WANTOK

Niuspepa Bilong Yumi Ol PNG Stret!

Namba 1839

Wan Wik, Novemba 5 - 12 2009

K1 tasol long olgeta hap



Banana boi...

MANGI BUKA NA BANANA MOSBI: Baksait long haus gaden i ken lukautim yu. Olsem dispela ol traipela banana i gro long baksait long haus, banana na kumu gaden bilong anti bilong liklik Mark Anthon, i amamas long soim ol kaikai long dispela naispela han na rop banana. Mark em hap kas Baimuru, Kerema na Buka i gat 6-pela krismas tasol na em save helpim anti bilong em, Rita Pearson, long lukautim liklik garden long baksait long haus long Korobosea insait long Nesenel Kapitel Distrik. Poto na stori: Nicky Bernard.

2010 Mani Plen gat planti askim

...K8.5 bilien o K12 bilien?

Paul Zuvani i raitim

GAVMAN i gat tupela Mani Plen i stap bipo long em. Wanpela em K8.5 Bilien em Tresari Dipatmen i redim na narapela em K12 Bilien we Baset Ministeriel Komiti i redim.

Wanpela i kamap bihainim hamas mani em han paus bilong kantri i gat long en na narapela i go moa long mani kantri i gat long em.

Long dispela Wantok Niuspepa i kisim tok long wanpela man insait we em i tok wanpela mani plen bai givim gutpela taim long ol manmeri na narapela bai nogat.

Mani Plen bilong Tresari Dipatmen bai givim bel isi long ol manmeri na Mani Plen bilong Baset Ministeriel Komiti bai givim hetpen long ol.

Gavman bai tokaut long wanpela bilong dispela tupela Mani Plen taim em i holim laspela kibung bilong em stat long narapela wik Tunde 10 Novemba na i go.

Long K8.5 bilien Mani Plen we Tresari Dipatmen i redim bikpela hap bai kam long Maining na Petroleum Sekta em K7 bilien.

K1 Bilien bai kam long ol takis Gavman i kisim long wok bisnis na narapela K5 milien bai kam long agrikalsa, forestri, piseris na turisim sekta.

Rikaren Baset o Mani Plen bilong ol projek i stap pinis long graun bai gat olsem K6 Bilien na Developmen Baset bai gat olsem K2.5 bilien.

Moa stori long pes 3

Mi ken ringim ol poroman bilong mi long 11 toea tasol wantaim Digicel.

Mi ken teksim ol poroman bilong mi long 1 toea tasol



Nau yu ken ringim eni Digicel Mobail insait long PNG long 11 toea tasol long wanpela minit namel long 11 kilok nait na 7 kilok moning Yu ken salim teks mesej i go long eni Digicel mobail long 1 toea tasol namel long 10 kilok nait na 7 kilok monin.



Dispela promosen i kam long ol Digicel kastoma tasol. Digicel Tems na Kondisen i stap.



Rait abus!



Lae kisim taim

Bustin Anzu i raitim

WARA i pas na pawa i blek aut i mekim ol manmeri bilong Lae siti i kisim bikpela bagarap.

Planti skul pikinini i stap long haus wantaim papa mama, beng i wok wanbelo, ol wokman meri i go wok leit na pablik sevis i no go long opis i soim olsem laip

bilong olgeta manmeri insait long siti i save stap long pawa na wara.

Tasol i no Lae siti wanpela, planti ol bik-taun bilong PNG i save kisim strong long pawa na wara.

Sapos dispela tupela samting i no stap, ol pipol bai kisim taim. Ol narapela samting i kam bihain long dispela tu-

pela samting insait long ol bik taun na siti bilong yumi.

Gavana bilong Morobe Luther Wenge i bin mekim planti toktok long ol wik i kam bihain long pawa na wara i wok long blek aut na mekim ol manmeri i kisim taim.

Em i tok long las wik olsem em i givim wata bot tupela wik long ol i mas stretim wara insait

long Lae siti. Sapos ol ino mekim, em bai ol i mekim wanpela bikpela kibung wantaim ol manmeri insait long siti long wanem as na ol i stopim wara oltaim.

Em i tok dispela i mekim na planti kampani i lusim mani na bisnis na kain sik olsem Kolera, disenti na ol narapela sik bai igo bikpela.

Tasol wanpela pablik toksave bilong Watabot long dispela wik i tok olsem ol i wokim mentenens long wanpela pam bilong pamim wara na narapela tripela pam i wok istap tasol presa bilong em bai ino wankain.

Long ol dispela tripela pam, ol i skelim wara long tupela awa long ol wan wan eria na bihain, senisim igo ikam.

Long dispela toksave, Watabot i tok ol i laik stretim dispela pam na long wiken, ol pam bai wok stret na wara bai ron long nomol spit bilong em olsem pastaim em i save ron.

Long las wik i kam, ol manmeri i kisim taim long wara. Na ol i go yusim ol bikpela wara olsem wara Bumbu, Markham, Busu na tu solwara long Waswas, wasim klos, bilong dring na tu bilong yusim long ol narapela wok.

Tasol long wankain taim, Helt dipatmen i tok aut pinis olsem sik kolera, wanpela sik we kilim moa long 100 manmeri i tok long lukaut Morobe Provins i stap aninit long stet ov imejensi long ol dispela bikpela sik.



KAKAO TRENING: Long lepan - Garry, Yaffon na Zebedee i putim ai long au Hiob i maritim ret na grin kakao pod i go long wanpela kakao diwai long gro na karim tupela kala kakao bilong tupela yet. *Poto: Bustin Anzu*

Ol Makam i kisim kakao trening

Bustin Anzu i raitim

OL pipol bilong Markam long Wampar i gat a tingting strong long lusim wok bilong buai na ol i laik kisim wok bilong kakao. Sik bilong buai i no pinis yet na dispela i fosim ol long senisim wok agrikalsa.

I no sik bilong buai tasol, klaimet senis tu em narapela samting we mekim ol long senisim laipstail bilong ol insait long ples. Kakao tu i gat sik tasol em i isi long planim na lukautim.

Ol manmeri i no save bisi long kakao long wanem, em i isi long kisim buai na salim na kisim mani long en. Olsem na ol i ronawe i go holim pasim kakao olsem wok bilong Agrikalsa long ol.

Long wanpela 3-wik kos, 30-fama (tupela meri) i bin lainim ol gutpela rot bilong planim, lukautim na painim maket bilong kakao, we ol kakao i no ken kisim sik. Planti i bin kisim save long wok bilong kakao long dispela taim.

Aninit long het tok Intagretet pes na disis menesmen o IPDM (Intergrated Pest and Disease Management), ol i kisim skul olsem ol sik nogut ino ken kamap long ol kakao bilong ol long gaten.

Ol sumatin na kakao smol growa Ben Garry, Darius Hiob, Sommers

Yaffon na Zebedee Ngako i tok i no long taim bai ol i lusim wok bilong buai na mekim wok long kakao tasol. Ol i wok long lus tingting long wok bilong buai nau insait long 5-10 yias, buai bai i no gat nem moa.

Garry, bipo MP bilong Huon Galf i tok em i amamas long dispela kos long wanem, em i lainim planti samting long wok bilong kakao. Na tu ol i tingting long lusim tingting long buai na wok long kakao tasol.

"Ol dispela buai yu lukim em bilong kaikai tasol na i no gat moa nupela bilong salim. Mipela i laik lusim tingting long buai na lukluk long wok bilong kakao tasol," em i tok.

Hiob, husat em i wanpela kakao fama em yet na tu lokol saintis bilong wok bilong kakao long Gabsongkeg i namba wan man long kisim wok bilong kakao na em i gat planti save long wok bilong kakao long ples.

Em i tok kakao i bin go insait long ples bilong ol long 1980s na nau namel long 60-70 pesen i gat gaden kakao.

Bris Kanda, wanpela aid grup bilong Niu Silan, we save stap long Lae i bin fandim dispela kos na ol lain bilong Kakao kokonat Industri o CCI (cocoa coconut industri) i bin trenim ol famas.

OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICE (New 2009)	QTY	SUBTOTAL
PNG Tok Pisin English Dictionary	9780195551129	K38.50		
				TOTAL \$
Recommended retail price & subject to change without notice				POSTAGE \$
				TAXES \$
				TOTAL \$

Options for Payment:
 1) Direct Deposit into Bank Account (Details below)
 2) Mail Cheque to Word Publishing Company Ltd, PO Box 1182, MOROBE, PNG.
 3) Call into the office: OFFICE, Section 54 Akurves Road, Waukeia, PNG.

Account Name: Word Publishing Company Ltd
 Account Number: 100 000 5380
 Bank: Bank of South Pacific Ltd
 Branch: Commercial Centre
 Branch Code: 8851
 Swift Code: BOSPNGM

FAX BACK TO: (675) 325 2579

Name (print): _____ Phone: _____
 Address (print): _____
 Email: _____ Signature: _____

a quality product of The Coca-Cola Company

NATURE'S OWN™
 Purified Water

NATIONAL AIDS COUNCIL PNG

Sapotim tokaut bilong HIV/AIDS!

Coca-Cola Amatil i makim K200,000 olsem moni mak bilong 2009, na mipela askim olgeta man na meri bilong Papua Niugini long sapotim dispela kempein.

Taim yu baim wan wan Nature's Own 600mL or 1.5L botol wara, Coca-Cola Foundation bai givim 20 toea i go long National Aids Council long halivim tokaut bilong HIV/AIDS.

Get a HIV test and Plan your future
 Visit a VCT today

PNG MADE

Nature's Own 2009 is a registered trademark of The Coca-Cola Company

2010 Mani Plen gat planti askim

I kam long pes 1

Tresari Dipatmen i skelim olsem Gros Domestik Prodak (GDP) bilong kantri long 2010 bai sanap olsem 5.3 pesen.

Dispela em i gutpela mak tu long wanem em i stap antap long mak bilong gro bilong populesen (kamap bilong ol pikinini) em long 2.7 pesen.

Inflesan bai stap olsem 5.8 pesen tasol Gavman i tok bai go daun bihain long kamap bilong Neturel Likwifaid Ges (LNG) projek.

Gavman i yusim Midium Tem Dvelopmen Strateji (MTDS) na Midium Tem Fiskol Strateji (MTFS) long kamapim mani plen.

Long Mani Plen bilong Baset Ministeriel Komiti dispela i gat Minista bilong Fainens na Tresari Patrick Pruaitch, Minista bilong Plening na Monitoring Paul Tiensten, Pablik Entaprais Minista Arthur Somare na Minista bilong Intagavaman Rilesens Job Pomat.

Long K12 Bilien Mani bilong en dispela saveman i tok em i orait long kamapim kamapim kain Baset olsem tasol bikpela samting em Gavman bai mas kisim dinau mani long inap plen bilong em.

Sapos nogat ol samting em i plenim bai i no inap kamap.

Tasol long kisim dinau saveman i tok bai givim hevi gen long kantri.

Ol liklik manmeri bai karim planti pen moa yet long wok hat na helpim Gavman long bekim dinau.

Na dispela i no bihainim laik na tingting bilong Gavman.

Long dispela as save-man i tok Gavman i mas bihainim Mani Plen we em i gat mani long em na i no ausait long mani em i gat long en.

5-pela tok orait bilong Saina

Andrew Molen i raitim

SAINA (China) i sainim 5-pela tok orait wantaim Papua Niugini long ol bikpela wokbung namel long tupela kantri long Trinde dispela wik long Palam haus long Mosbi.

Vais minista bilong komes (Commerce) bilong Saina, Yi Xiaozhun i sainim dispela ol tok orait na wokbung wantaim minista bilong komes na indastri (Industry) bilong PNG, Gabriel Kapris.

Tupela i sainim;

1. "Agreement on Economic and Technical Cooperation",
2. "The Framework Agreement on the Provision of Concession Loan",
3. "Letters of Exchange on the Project of International Convention Center",
4. "PNG LNG Project Heads of Agreement (HOA)", na
5. MOU - Local Social and Economic Development Assistance.

Dispela ol tok orait we ol i sainim bai lukluk long ol wok in-



WELKAM: Mista Xiaozhun i kam long PNG long Tunde na bai go bek tete. Em i sainim sampela tok orait wantaim PNG gavman. POTO: Andrew Molen.

sait long PNG we Saina i ken givim helpim long en.

Em bai karamapim ol helpim olsem mani, save manmeri bilong wok na tu trening bilong ol PNG manmeri long mekim dispela ol wok.

Mani Saina bai givim long namba wan na namba tu tok orait ol i sainim antap bai nap long 830, 000, 000 milien RMB Yuen (mani bilong Saina).

Mista Xiaozhun i kam daun long Mosbi long Tunde dispela

wik long raun na bung wantaim ol bikman bilong PNG gavman na tu lukim wok bilong Saina insait long kantri.

Em i kam wantaim sampela ol arapela bikman bilong Saina na ol bai go bek tete (Fonde).

Mani no go daun yet long pipel

Paul Zuvani raitim

MANI i no go daun yet long ol manmeri long distrik level.

Ol rot i bagarap yet, hausik i nogat marasin, brukdaun na i pas, ol skul i nogat saplai i brukdaun na i pas na manmeri i dai long hap rot.

Dispela em laip bilong ol distrik taim Gavman i makim pinis K14 milien long strongim sindaun bilong ol stat long ol mani plen bilong em long 2007.

Askim nau em long wanem as na mani i no kamap yet long ol distrik.

Long bekim dispela em ol bekim em Opis bilong Rurel Dvelopmen (ORD) i kisim bihain long em i holim ol kibung long wan wan ol rijen long painim aut ron bilong dispela mani.

Em i no klia sapos Gavman bai makim sampela

moa mani antap long K14 milien Distrik Sevises Impruvmen Progrem (DSIP) bilong em long 2010 Mani Plen.

Sapos em i mekim em i gutpela.

Tasol bikpela hevi em mani i no go long ol.

ORD i save givim aut DSIP mani.

Em i save givim aut mani long wan wan ol distrik bihainim projek plen wan wan ol Memba wantaim komiti bilong ol long distrik i kamap wantaim long ol hap we K14 milien bai go long em.

Gavman i brukim 7-pela hap long we K14 milien i mas go long em.

Dispela ol hap em trenspot infrakstrakta rihebilitesen na mentenens (K5 milien); praimer heli kea (K2 milien); besik edukesen (K2 milien); wara saplai (K1.5 milien); lo na jastis (K1.5 milien); Komyuniti bes projek (K1 milien) na rurel ilektifikesen (K1 milien).

ion); Komyuniti bes projek (K1 milien) na rurel ilektifikesen (K1 milien).

Bikos long dispela hevi ORD i tok sapos Gavman i laik lukim kaikai bilong tingting bilong em orait bikpela senis i mas kamap wan wan ol distrik opis.

Long dispela em i tok ol asua i pas long go bilong DSIP mani i stap long tupela hap- wanpela em long politikel (ilektorel) na narapela em long distrik opis (ol gavman wokman).

Asua em olsem:

- OL Memba i laik mekim olgeta disisen long distrik;
- OL opisa bilong Memba i save laik kisim ples bilong ol distrik tresari opisa na mekim wok;
- PLANTI senis tumas long distrik etministreta o distrik tresari opis;
- NOGAT gutpela wok-

bung namel long ol wokman bilong gavman na lokol memba;

- NOGAT inap ol wokman o saveman bilong lukautim na raitim ripot bilong mani;
 - NOGAT gutpela distrik na fainens opis long mekim wok;
 - NOGAT gutpela rot o ol ples i stap longwe long narapela narapela na hat long bungim ol na givim sevis;
 - NOGAT gutpela wokbung namel long Memba, ol distrik opisa na ol kampani we i raitim ol projek proposal na
 - OL Memba i no save wok hariap long saining ol pepa long pe i mas kamap.
- Long Semptemba dispela yia ORD i bin ronim ol wok-sop long wan wan ol rijen long painim aut ron bilong DSIP mani.

Rot bilong yusim gut DSIP mani

Paul Zuvani raitim

TINGTING bilong Gavman long putim mani i go daun stret long ol distrik na kamapim ol wok i gutpela.

Tasol taim em i mekim olsem i gat ol hevi i stap we i pasim go bilong dispela mani.

Planti bilong ol distrik i bungim hevi we nogat distrik tresari o fainens opis i stap, o sapos i stap i nogat wokman i stap.

Na sapos i stap em i nogat save bilong raitim fainens ripot. Na i nogat save bilong kamapim mani plen (baset) na bihain mekim ekuitel.

Em i wanpela askim bilong ORD long ol Memba i mas go wantaim ol ekwitel bai ol i ken kisim narapela hap mani bilong ol.

Sapos nogat bai nogat mani i go aut long skruim DSIP.

Opis bilong Rurel Dvelopmen (ORD) bihainim ol kibung em i holim long sampela rijen long painim aut wok bilong ol distrik long kisim dispela mani i luksave long dispela ol hevi.

Bikos long dispela em i mekim sampela ol askim long larim mani i go aut isi:

- ORD i mas mekim moa aweanes kempein long gaidlains na fainens rot bilong kisim na yusim dispela mani olsem ol distrik i save long wok bilong dispela mani;
 - I MAS gat gutpelqa komyunikesen namel long ol lain husat i pas long DSIP mani;
 - TRENIM moa ol save-manmeri bilong tresari na fainens long kamapim ripot na lukautim ripot bilong mani na
 - RIVIUIIM ol rot long mekim isi long go bilong DSIP mani.
- ORD i painim olsem planti ol distrik i wok hat long bihainim ol rot long kisim K14 milien DSIP mani.
- Sampela i save moa long ol arapela long rot bilong kisim DSIP mani.
- Sampela distrik i painim hat long karim aut DSIP bikos long sampela samting i hat long kisim.
- Sampela distrik i bungim hevi namel long politiks opis na pablik sevans long distrik.

Construction Equipment

Plate compactor - Petrol
K4,394.50

Power Trowel
K5940.00

Unit Drive for Pump
K1320.00

Submersible Pump
K1055.00

Rammer - Petrol
K11,569.80

BISHOP BROTHERS

Your tools experts...

www.bishopbros.com.pg

PORT MORESBY | LAE | PORGERA | MT HAGEN | MADANG | KIMBE | RABAU | VANIMO
ALL PRICES INCLUDE GST

Bel isi pasin kamap long Gimi

Sape Metta i raitim

**WANPELA wanbel sere-
moni i bin kamap long Gimi
eria bilong wes Okapa,
Isten Hailens Provins i
rausim ol pasin birua na
laip na sindaun bilong ol
pipel i ken go gut gen.**

Planti ol gutpela strongpela man i bin dai insait long las 34 krismas long pasin bilong birua na pait i go i kam namel long ol wan pisin haus lain na viles long ol ples olsem long Gimi eria long wes Okapa, Isten Hailens Provins.

Na ol wanpisin lain long Lawansaru, Amuraisa, Negivi, Oraratu, Agivu, Asarupi, Tarotu, Pusa, Amusa, Keteve, Somai, Misapi, Tuna Kau na Takaita i bin kamapim birua na pait i go kam bihain long wapela poisin (socery) pasin i bin kamap long sampela taim long Jun 1986. Dispela pasin birua na pait i mekim na i pasin na stopim tu planti ol gavman sevis long go long dispela eria.

Ol viles komyuniti lida, sios elda na mausman long Asarupi haus lain, Paul Anobala i tok dispela pait we i bungim 14-pela haus lain i birua na pait i go i kam na i kilim wanpela narapela namel long ol yet.

Dispela pasin birua tu i mekim na ol mama husat i bin

gat bel na laik karim ol pikinini i bin painim bikpela hevi long wanem ol i bin painim hat tru bikos i nogat ol etpos, helt senta o haus sik we ol ken go na karim pikinini. Olgeta helt sevis em i bin pas na ol mama i save go long bus we ol i save hait na karim ol pikinini.

Na bihain long ol i save karim ol pikinini ol i save sekim, Na sapos ol i luksave olsem pikinini man, ol i save kilim na planim long bus. Na sapos em i pikinini meri, ol i save lukautim. Ol mama i mekim olsem long wanem ol i no laikim ol pikinini man long stap laip, gro i go kamap man na go insait long pait. Em nau namba bilong ol man bai sot. Na pait tu i ken pinis na laip long ol ples i ken kamap gutpela gen olsem bipo.

Dispela ol pasin em i stap olsem i go na Salvesen Armi Sios long PNG i mekim kamap bel isi pasin namel long ol wan pisin lain man meri long Asarupi viles long Fraide wik i go pinis. Moa long 2,000 man meri i bung long dispela seremoni. Na ol pait man na ol poisin man tu i bin kamap na givim ol pait samting olsem ol gan na bunara na tu ol mambu we ol i save wokim ol poisin long en i go long ol lida bilong Salvesen Ami Sios. Long wankain taim, ol i givim Baibel i go long ol.

Lida man bilong Salvesen Ami Sios, Leftenen Kenel Hans van Vliet i bin mekim ol strongpela toktok long sere-
moni i tok, " inap em inap. Yupela i mekim birua tumas na pasim olgeta sevis bilong gavman. Skul, Helt na ol arapela sevis i pas. Na yupela i no nap i stap olsem, yupela i mas senisim pasin bilong yupela na stopim birua na pait nabaut".

Em i tok sapos Salvesen Ami i ken wok hat na kamapim dispela bel isi pasin, orait em i gat tingting tu long helpim ol manmeri long dispela eria long bringim ol sevis bilong skul, edukesen na helt senta i go long Gimi.

"Mipela i ken mekim olsem tasol mipela i laikim tu helpim bilong gavman long provinsel na nesanel level long putim han wantaim na bringim ol sevis i go long ol pipel bilong Gim", Kenel van Vliet i tok.

Em i tok dispela birua i stopim fridom bilong ol pikinini long skul, ol mama long raun i go kam na wokim gaden na fridom bilong olgeta lain long ples.

"Bihainim dispela pis seremoni nau, dispela fridom em i mas kam bek long olgeta lain. Na ol lain long ples i mas wanbel nau long wok bung na stopim olgeta birua na pait pasin," em i tok.



SENISIM GAN LONG BAIBEL: Bikman bilong ples Asarupi insait long Gimi, Paul Anobala, i kism Baibel long han bilong lidaman bilong Salvesen Ami Sios long PNG, Leftenen Kenel Hans van Vliet na givim wanpela gan i go long em long soim olsem wanbel i kamap namel long ol birua lain. Foto: Sape Metta

Belisi mama grup kam bek long Sidni bung ... Strongim wok

Veronica Hatutasi i raitim

LONG dispel taim, planti meri long wol i wok strong long go pas long ol kain wok bilong go hetim famili, sosaiti na kantri.

Wanpela long ol eria tu we ol meri i go pas long en em long kamapim wan bel isi pasin.

Long PNG, dispelal i kamap tru long Bogenvil hevi we ol mama i bin go pas long ol wok bilong kamapim gutpela sindaun, sekan na bel isi pasin.

Wanpela grup i wok long kamap isi insait long Mosbi long go hetim ol wanbel isi na sekan wok em Krietias ov Pis Sekols (Creators of Peace Circles- COPC).

9-pela memba bilong COPC PNG i bin kam bek long kantri bihain ol i bin stap insait long wanpela wik konprens bilong COC Intenesenel long Sidni, Australia.

Kodineta Rita Pearson i bin go pas long grup i bin askim ol niuslain long kamap long bung las Sande long Sen Martin's Angliken Sios bilong harim ol stori long



BELISI GRUP: Pis Sekol Mama Grup wantaim ol famili na sios memba lain bilong ol. Foto: Veronica Hatutasi

wokabaut bilong ol wan wan long ol dispela meri.

Het tok bilong konprens em, " Kamapim Kalsa bilong Pis na ol wanem samting yu mekim long inapim dispela?"

Ol wan wan meri i bin toktok long ol samting ol i bin mekim na lainim long dispela intanesenel konprens i bin kamap long Sidni.

Misis Pearson i tok COPC em pastaim ol i save kolim long Moral Riamamen. Na long PNG, Kwato Sios long Milen Be provins i bin stap

insait long em. Wanpela meri Milen Be we planti mama na meri long Siwai na Bana Distrik i save gut long en long ol yia olsem 1991 inap long 1994 taim stap long Bogenvil i no bin gutpela em (Anti) Margo Doilegu.

Wantaim nogat prêt pasin, dispela meri na mama grup bilong em i bin wok long ol ples we gan i bin pairap nogut long ol long kamapim bel isi pasin.

Misis Pearson i bin bungim Ms Margo long Brisben long

yia 2005 we sampela poroman bilong em (Misis Pearson) i bin baim tiket long stap long COPC bung long hap. Dispela i bin senisim laip bilong em na tude, em i pas long grup i save bung long Sen Martin's Angliken Sios long Boroko.

Wanpela bikpela samting we grup i tokaut long en em long strongim wok long kamapim bek isi pasin insait long famili pastaim na bihain i go aut, pasin i mas senis long ol pikinini na ol i bilip olse, ol, eri i gat bikpela wok long dispela.

Bihain long stap insait long ol progrom long Sidni konprens na tu, harim ol stori bilong ol susa meri bilong ol 26 kantri long wol, ol i pilim olsem long sampela rot, hevi ol meri long PNG i bungim i no nogut olgeta olsem yumin save ting o sampela i wankain tasol.

Plen bilong dispela grup nau em long network wantaim Komyuniti Developmen, ol meri na sios grup, polis, lo, Edukesen Dipatmen na ol arapela grup we wok i sut long kamapim belisi na holim ol woksop na raun tu i go long ol skul .

DWU Helpim Madang Polis

Michael Novingu i raitim

Wok bilong lukautim lo na oda i no wok bilong polis tasol, nogat em i wok bilong olgeta manmeri long komyuniti.

Vais presiden i lukautim edministresen long Divain Wod Yunivesiti long Madang Benjamin Naing i mekim dispela toktok long taim em i givim tripela kompyuta i go long Madang polis long helpim karimaut wok bilong ol.

Mista Naing i tok DWU i amamas long helpim polis long givim ol kompyuta long wokim gut wok bilong ol helpim komyuniti long kirapim gutpela sindaun bilong ol.

Em i tok ol polis i askim long wanpela kompyuta tasol presiden bilong DWU, Pater Zan Czuba i givim tupela antap long wanpela ol i askim i kamap tripela komputa,

Mista Naing i tok inspekta Wesley Tetengana na deputi bilong em France Mongati i kism dispela kompyuta na

tok tenkyu long DWU long helpim sapatim wok bilong polis long Madang.

Long wankain taim, sumatin lidaman bilong DWU, Dennis Kitchnoke i kism taim nogut long han bilong 6-pela yanpela mangi bilong bilong Wagol setelmen klostu long dua bilong yunivesiti long las wik.

Ol i bin sutim Mista Kitchnoke wantaim botol bia, ma naip, Em i kism bikpela kat antap long ai bilong em taim emi laik helpim narapela sumatin husat ol man nogut i laik stilim ol samting bilong em.

Planti taim, em wantain ol narape la sumatin i save kism taim nogut long han bilong ol yanpela manki long setelmen we i stap klostu long DWU, Mista Kitchnoke i tok.

Em i tok long sampela taim i go pinis long dispela yia, ol sumatin i bin givim askim bilong ol long hevi bilong lo na oda i go long Madang provin- sel edministresen long stre- tim, tasol nogat bekim i kam bek long askim bilong ol.

Simbu strong yet long stopim marijuana na hombru

Eric Sinebare i raitim

POLIS long Simbu bai givim bikpela mekim-save i go long ol lain i smokim spakrus na dring hombru na bagarapim sindaun insait long ples, famili na komyuniti, Provinsel Polis komanda bilong Simbu, Inspekta Joseph Tondop, i tok. Em i tok ol Simbu i noken ting olsem ol polis, gavman,sios,NGO na ol oda lain bai i lus tingting long wok bilong stopim ol smuk nogut

na ol bia bilong ples ol i kolim hombru. Nogat, olgeta wok bilong painim dispela wok na mekim save long painim na kalabusim ol manmeri i save mekim dispela pasin bai i go yet long olgeta taim. Inspekta Tondop i mekim dispela toktok long las wik Fraide we Simbu i tingim nambawan yia selebretim tingim Simbu tok nogat long stim na drag. "Mi na ol polis yet i no inap long mekim dispela wok long stopim,

nogat. Em samting i bagarapim laip na tingting bilong ol manmeri na planti hevi i kamap long manmeri i mekim dispela pasin. Mipela laik tokaut olsem dispela i no wok bilong polis tasol. Em bilong yumi olgeta lain i putim han na bung wantaim olsem lo na oda lain, gavman , sios na komyuniti long mekim dispela wok bilong stopim na stretim ol yangpela long ples long lusim dispela pasin smuk na dring

stim," Inspekta Tondop i tok. Moa long olgeta lain long polis, woda, gavman ol lida na wok manmer,i hau sik ,sios ,kampani ,NGO, ol lain kampani olsem Maikro Kredit Beng, Kopi Industri Koporesen (CIC) na ol Justis Sekta lain tu i stap insait long dispela wan yia selebresen bung long tingim Simbu tok nogat long stim na drag de. Long wankain taim, ol yangpela bilong Yon-gomugl i tok nogat long

drak na stim na i givim wanpela pistol i go long han bilong polis. Tu, ol Mikro Beng i tok aut long ol yangpela mas lusim dispela na mekim ol wok long ples na bai beng i ken sapotim na helpim long mekim sindaun i stap gut. Long dspela de tu, CIC tu i tok strong long olgeta lain olsem yumi i no nap long mekim dispela kain pasin. Ol yangpela i mas lusim drak na stim na go planim kopi na kopi bai i lukautim na tu ol bai i

gat sampela helpim long wanem wol yu mekim. Olgeta lain husat i lusim na mekim arapela wok long las yia nau ol i lukim sampela tok tu long taim dispela wok i stap wanpela yia, planti senis wok long go daun isi isi. Planti ol manmeri i soim tingting olsem sampela senis i kamap long taim Simbu tok nogat long stim na drag.

Na wanem arapela gutpela bilong em yumi ken skelim na luksave long yumi yet na strongim ol wok bilong stopim dispela pasin. Gavana Pater John Garia i amamas tru long ol polis na komyuniti i mekim bikpela wok long em i stap klostu long sapotim na wok long stopim dispela pasin i mas go yet. Gavana Garia i tok kalabusim planti lain na ripot bilong dispela yia i kamap gut na gutpela wok i ken go yet.

27 manmeri kisim konfemesen long Marimari Lutheran Sios las Sande

Yaka m Kelo i raitim

TWENTI SEVEN manmeri bin kisim konfemesen blesing long Marimari Lutheran sios long Mosbi long las wik Sande. Dispela 27 manmeri ol kam long kankain provins insait long Papua Niugini we Pasto Gundu Guenu bilong Marimari haus lotu i kolim ol kala kala lain bilong Marmari haus lotu. Man i go pas long autim gutnius long dispela Sande em Reveren Somu Setu, Presiden bilong Evenjelikel Luteran Sios bilong Papua Distrik (ELC-PNG).

Rev Setu i autim tok long strongim ol dispela lain konfemesen manmeri na ol arapela Luteran Kristen long buk bilong Jenesis Saptu 25 na lain 34 i go we i tok long stori bilong Jakop na brata bilong em Iso. Iso i no bin skelim gut na tingting gut na givim olgeta namba na strong bilong em go long brata bilong em Jakop bikos em aigris long gutpela sup kaikai Jakop i kukim. Jakop i tok, yu givim mi namba bilong yu orait mi bai givim yu hap sup na kaikai.

Reveren Setu i autim olsem sapos yupela ol manmeri i no was gut na lukluk gut na putim yupela yet i go insait long dispela rot nogut bilong kamapim sindaun nogut na hevi na



ELC-PNG KONFEMESEN: Dispela em ol lain i kisim konfemesen wantaim Pasto Gundu Guenu long baksait.

trabel long laip bilong yupela, em nau yupela givim yupela yet long sin nau. Taim yu opim dua long dispela man nogut, em nau dispela man nogut bai kam insait long daunim yu go daun olgeta long rot na pasin bilong sin.

Tasol em strongim ol long kisim pasin bilong Aposel Pol long Pilipia saptu ves 1 ves 23 i go we i tok, long yumi mas lukim Jisas olsem mak na rot bilong yumi go long em. Wankain

olsem yumi save lukim wanpela man o meri em gat biknem long pilai spot o mekim sampela gutpela samting long laip na yumi laik bihainim stail na pasin bilong em. Yumi mas lukim Jisas olsem na go long em. Taim yu mekim olsem, yu ken amamas na apim nem bilong God na bai yu ken flai antap olsem pisin tarangau. Insait long dispela lotu bilong konfemesen tu em baptais bilong

5-pela manmeri. Bihain long konfemesen na baptais, ol dispela 27 manmeri kisim namba wan holi komunion bilong ol. Bihain long lotu i pinis ol sampela toktok bilong strongim na helpim ol dispela lain manmeri bin kamap. Wanpela kongrigesen man bilong kantri Paris, wanpela bilong India na wanpela mama bilong PNG yet na Gavana bilong Madang Sir Arnold Amet

bin kisim taim long givim sampela stia tok long ol dispela 27 manmeri. Gavana bilong Madang Sir Arnold Amet i tokim ol lain manmeri ya long sanap strong long dispela bilip ol kisim nau. Ol mas oltaim lukluk long Jisas olsem helpim na strong bilong ol. Em tok, yupela noken sem long tokaut long nem bilong God, nem bilong Jisas na autim bilip bilong yupela. Tokaut ples klia bikos em strong na

bilip bilong yu we inap helpim yu olgeta taim. Sir Arnold tok olgeta de na nait, yupela mas prea na kolim nem bilong God na dispela rot tasol bai kisim yu kam klostu long God. Go long lotu olgeta taim na bung wantaim ol arapela Kristen manmeri long apim nem bilong God na dispela inap strongim bilip bilong yu long sanap klostu long God na yu ken abrusim ol kankain hevi na trabel bi-

long dispela graun. Bihain long lotu i pinis, ol kongrigesen manmeri wantaim ol lain i kam long arapela sios long witnessim dispela konfemesen greduesen na olgeta famili bin sindaun wantaim long as bilong diwai na kisim kaikai wantaim. Dispela i bin wanpela amamas de bilong olgeta famili na olgeta kongrigesen manmeri bilong Marimari Luteran sios long Gordons long Pot Mosbi.

Ol Yunaitet Sios meri long Bogenvil selebret

Veronica Hatutasi i raitim

Narapela" i givim bikpela tingting long Laik pasin i wok insait long famili.

Liklik fil long hapsait bilong Siti Famasi long Buka taun i bin pulim pablik na ol wok manmeri long tupela de wantaim ol gutpela samting ol mama i putim kamap. Na planti i bin amamas long baim ol samting long so wantaim liklik mani tasol.

Long dispel so, ol mama long ol wan wan seket i bin gat ol liklik haus we oli putim ol henkraf olsem ol kain basket yet bilong Bogenvil, ol mat, klos na ol kaikai long salim.

Wanpela samting i bin pulim ai bilong Meri Wantok long dispela so em ol ston we ol mama long Teop long Tinputz i bin wok long salim. Na ol man i resis tru long ol.

"Dispela em ol ston bilon g wokim mumu, aigir na paitim galip nat. Mipela i bin traim tasol na salim long wankain so las yia na planti man i bin laikim tru. Olsem na long dispel yia,

mipela i kisim planti liklik i kam tasol wantu, ol i pinis,"Doreen Tausiva na Betty Ravena i tok. Ol mama i bin bungim ol ston long wara.

Wanpela bikpela samting ol mama i kam gut long en em long Singsing Kwaia resis ol wan wan seket i stat long Siwai i go long Haku i bin go insait long en.

Nek bilong ol mama i bin krai olsem ol angelo na maski bikpela san, ol mama i soim kala bilong ol long mas i go long kwaia eria long fron bilong fil na traim nek bilong oli bin krai olsem ol angelo na pulim nek bilong ol pablik na woklain i go insait long so eria. Ol Seket i bin kamap namba wan long kwaia resis i bin kisim ol prais. Ol lain i bin wokim gut tu long ol narapela seksen tu olsem henkraf, kaikai, somap na kuk i bin kisim prais.

Mani ol mama i kamapim long dispela so em ol i bungim wantaim



PULIM PLANTI KASTOMA: Hap ol meri Siwai i bin Sali, ol basket samting long em i bin pulim gut tru planti ol pablik i go baim ol naispela basket long liklik prais olsem K5, K6 na K7 tasol. Poto: Ceronica Hatutasi

Liklik taun bilong Buka long las wik Fonde na Fraide i bin pulap kapsait wantaim ol meri Yunaitet Sios (UC) i kam long olgeta hap bilong Otonomes Rijen bilong Bogenvil (ARB).

Samting olsem 500 meri bilong ol UC Seket long saut, Sentrel na Not Bogenvil wantaim Buka i bin holim tupela de so bilong ol bilong selebretim 39 yias bonde bilong felosip grup bilong ol UC Bogenvil rijinel Wimens Felosip So i save kamap olgeta yia na long dispela yia, ol meri i kam olgeta long ol longwe hap olsem Siwai na Buin long saut Bogenvil. Na ol arapela i kam long Sentrel, Wakunai, Tinputz, Teop, Buka na ol liklik ailan olsem Matsungan na Petats.

Tupela de woskop i bin ron wantaim het tok, "Laikim God na Sevim ol

long givim i go long sios long rijen bilong karimaut ol wok bilong em.

Ol mama i bin baim rot

ol yet long kam stap long Buka long dispel so. Dispela kain samting i gutpela long ol mama i save

kam bung wantaim, serim ol ekspiens, lainim ol samting long ol narapela, wokim nupela pren wan-

taim, lotu na felosip wantaim, helpim wanpela narapela na amamas wantaim.



NOTIS I GO LONG OL SAPLAIA BLONG OL GUDS NA SEVES IGO LONG GAVMAN DIPATMENT, PROVINSOL NA LOKOL LEVOL GAVMAN

2009 PASIM BLONG OLAKAUNTS

TOKSAVE LONG ARERE BILONG 2009 FAINENSOL YIA I GO LONG PABLIK OLSEM:

- Laspela dei long givim aut ol niupela Integrated Local Purchase Order Claim (ILPOCs), na tok orait long commitment i go long PGAS em long deit 14th DISEMBA 2009. Bai nogat niu pela ILPOC bai go aut long dispela dei, 14th DISEMBA 2009.
- Peimen bilong ol guds na seves igo long husat i givim ol samting long Gavman, yusim ol trupela ILPOC bai i go yet inap 31st DISEMBA, 2009.
- Gavman bai baim husait saplaia sapos yu givim ol inouis blong yu igo inap arere blong bisnis long dei 11th DISEMBA 2009. Sapos yu givim ol guds na seves pas-taim long 11th DISEMBA 2009, yu bai ol baim yu long 2009 year.
- Olgeta inouis na wanem kain askim yu gat imas go long pei opis blong wanem gavman dipatmen husait ibin yusim guds na seves blong yu. Noken karim ol kleims bilong yu igo long dipatmen bilong Fainens.
- Toksave ken olsem Gavman bai baim tasol ol opisol ILPOC na ino ol narapela kain kleim. Dispela em i Lo.

**Authorised by:
GABRIEL YER
SECRETARY BILONG FAINENS**

Simbu holim bung long pasin bilong bagarapim meri

Eric Sinebare i raitm

PASIN bilong baim meri na bosim meri insait long Simbu na Hailans i soim olsem ol man i ting olsem ol i baim meri olsem ol samting bilong ol yet. Na i gat olgeta rait bilong mekim wanem kain pasin na bagarapim ol.

Dispela em i wanpela bikpela toktok na tingting we olgeta Non Gavman Ogenaisesen (NGO) na komyuniti lida, meri lida na planti ol gavman lida i bung long Kundiawa long las wik i go pinis i bin luksave long en.

Dipatmen bilong Komyuniti Developmen opis long Mosbi na opis long Kundiawa i bin holim wanpela trening na tu, i ogenaisim dispela forum o tokaut long ples klia long pasin i stap insait ol man na dispela hevi i kamap bikpela long ples.

Asisten Sekreteri bilong jenda balens o manmeri i ken wok wankain olsem man, Brian Nakrakundi, i tok long forum long Kundiawa olsem planti hevi i kamap long dispela kantri long pasin bilong bagarapim ol man na meri na long mekim pasin nogut we planti taim, ol meri i no laik long mekim. Wanpela em taim ol meri i no laik slip wantaim man em ol man yet i save kros na i save bringim planti hevi o birua i kamap long ol meri tasol.

"Tu, mipela i traim mekim dispela wok bilong stopim famili vailens o pasin long paitim na bagarapim man na meri, pasin bilong ol man i bosim o baim meri long pasin bilong ples o long baim ol long planti mani na kisim olsem samting bilong yusim ol insait long ples bilong yumi. Long dispela na departmen i makim Sim-

bu na Rabaul long traim ol dispela wok na i kamap gut bai ol i go long arapela provins long surikim wok," Mr Nakrakundi i tok.

Long wankain taim, man husait i givim skul na sampela tok long trening na forum, Philip Kai, i mekim planti wok painim aut long wanem as bilong man i wok long paitim meri tumas. Na planti meri i save gat ol hevi long pasin pait na kros, pasin bilong maritm pasin bilong baim meri na i kamap olsem meri o man bilong em.

Em i tok planti man i paitim meri long nogat gutpela as long wanem, meri i save tok nogat long taim man i laik slip wantaim em. Dispela tingting bilong pasin tumbuna na pasin bilong nau we ol man i senis long tingting na stail bilong marit.

Insait long forum, i gat tok pait na planti i tok long pasin bilong baim meri i mas pinis. O bai daunim prais i go liklik long meri na i ken stap olsem wanpela poro bilong ol man na luksave bilong meri i ken i stap namel long man na lain bilong em.

Tok pait long pasin baim meri i stap na planti i ting dispela em wanpela bilong dispela hevi. Tasol i gat ol narapela hevi bilong famili i save pait long en em as i stap na olgeta i save long tingting bilong ol long luksave long ol yet. Bikpela tok tu long forum i olsem ol man i mas rispek-tim ol meri long laik na tingting na rait bilong ol long taim em i gat tingting na i amamas long bodi i laik long slip wantaim man em i orait. Na man i no ken strong na bosim na kontrolim em o tok strong long slip wantaim meri bilong em. Mr Kai i tok.

Ol SVD Holim Provinsel Sapta o bung



De bilong ol Dai manmeri

KATOLIK Sios i gat bilip olsem ol manmeri i dai na i gat sampela liklik sin i stap wantaim ol yet i no go long hel. Ol i go long wanpela ples ol i kolim Purgatory. Long dispela ples, ol i prea na wokim sampela penens bilong askim God long pogivim sin bilong ol. Olsem na ol i laikm helpim prea bilong manmeri i stap laip yet.

Long lotu Kalenda bilong Katolik Sios, olgeta yia long Novemba 2, em i spesel de bilong tingim sol bilong manmeri i dai pinis na stap long purgatory yet. Katolik Sios long olgeta hap bilong graun i wokim spesel misa na prea long de 2 Novemba bilong helpim manmeri i dai pinis. Planti i go long matmat bilong daiman, klinim, bilasim, putim plawa na laitim kendel na prea. Mi no lukim dispela pasin i stap strong long Papua Niugini yet.

Mi bin statim dispela selebresen wantaim Katolik manmeri long Erima peris. Olgeta yia long 2 Novemba, mipela i wokim lotu misa long apinun. Planti manmeri i kam na bihainim lotu na prea bilong helpim manmeri i dai pinis. Mipela i no wokim misa long matmat olsem planti hap bilong graun ol i wokim misa long ples matmat stret na laitim kendel long wan wan matmat.

Mi bin introdusim wanpela spesel taim insait long Misa, givim taim long manmeri i laitim kendel na prea bilong helpim papa o mama, bubu o pikinini o pren i dai pinis. Long fron bilong alta, mi sanapim wanpela bikpela kruse wantaim Jisas i hangamap antap long en. Aninit long kruse igat wanpela tebol, we ol manmeri i ken laitim na sanapim kendel bilong ol na prea.

Bihain long ritim Gutnius, mi wokim tok liklik. Long kisim ples bilong prea bilong bilip manmeri, mi invaitim manmeri na pikinini kamap, sanap long lain na laitim kendel na putim aninit long lek bilong Jisas na wokim prea bilong bilong helpim ol manmeri i dai pinis. Inap olgeta i laitim kendel na prea pinis, mipela i go het wantaim santu misa gen.

Mi bin tokim manmeri olsem dispela aidia em i kamap long wanpela liklik nis bilong mi long ples. Taim mipela i go laitim kendel na prea long matmat bilong bubu na papa mama na pren bilong mi, mipela i sot long kendel. Tasol sampela matmat mipela i no laitim kendel yet.

Taim mi komplem olsem kendel i sot, liklik nis bilong mi i tokim mi: "ankel, yu noken wari. Yumi go long bikpela kruse na laitim dispela kendel long hap na salim prea bilong yumi i go long Jisas i go long God Papa". Namel long ples matmat, i gat wanpela bikpela kruse wantaim Jisas i hangapam antap long en.

Ya, em i gutpela tingting. Dispela tingting mi bin introdusim long Erima olgeta yia taim mipela i selebretim de bilong ol daimanmeri. Planti manmeri i amamas, bikos sampela daimanmeri, matmat bilong ol i stap long ples. Sampela i stap long 9-mile, tasol hat long mipela i go na putim plawa o laitim kendel long matmat bilong ol long apinun olsem. Man nogut (rascal) i stap long hap tu ya. Olsem na mipela i amamas, bung wantaim insait long haus lotu, wokim lotu misa na wan wan i laitim kendel na salim prea bilong em long Jisas i go long God Papa long helpim manmeri i dai pinis.

Taim bilong wan wan i laitim kendel, putim long lek bilong kruse bilong Jisas na wokim prea, i kisim planti taim stret, inap long wan aua. Tasol manmeri i no komplem. Ol i amamas. Em i wanpela spesel taim tasol long wanpela yia, yumi wokim prea bilong helpim ol manmeri i dai pinis. RIP.

OL lain misinari bilong Divain Wod (SVD) i wok long PNG i bin holim bikpela bung bilong ol long Oktoba 18-25 long Alexishafen, Not kos bilong Madang. Ol i kolim dispela bung em i Sapta (Chapter). Dispela bung i save kamap olgeta bihain long tripela yia.

Samting olsem 25 (bruder na pris) olsem deleget i kam long Enga, Westen Hailans, Is Sepik, Madang, Mosbi, Simbu na Isten Hailans i bin bung wantaim Pater Joe Roszynski SVD, eking Provinsel bilong SVD long PNG.

Asbisop Douglas Young SVD, asbishop bilong Maun Hagen i bin go pas long dispela bung. Em i tok olsem olgeta ripot i bin kamap long taim bilong dispela sapta i soim olsem olgeta SVD misineri i wok hatru long wanem wok

ol i gat long en. Em i mak olsem olgeta i mekim wok long kamapim Kingdom Bilong God insait long PNG

Bihain long ol i harim olgeta ripot i kamap long 5-pela Distrik Superia, kodineta na rekta olgeta i bin kamapim 4-pela grup diskasen. Wok bilong ol em long lukluk bek, skelim na glasim Action plan ol i bin wokim long sapta bipo, na tu ol i lukluk na skelim ol toktok i bin kamap long olgeta ripot.

Pater Bill Burt SVD, kodineta bilong ASPAC (Asia & Pacific) zone i bin kam na givim rekoleksien o tok skul i golong ol. Em i bin salensim ol lain long bung na i tok: "Yupela i kam long wan wan Distrik, - yupela i kamap long dispela bung bikos ol memba bilong komyuniti bilong yupela

i bin makim yupela. Ol i makim yupela kamap long dispela miting bikos ol i save olsem insait long yupela i gat strongpela pawa long helpim bringim SENIS i kamap insait long SVD Provins bilong PNG. Taim bilong Senis i kamap pinis. Yu redi long kisim na bringim senis i go long distrik na wok ples bilong yupela?" Pater Bill i tok olsem bikos em i go wantaim theme bilong dispela sapta i olsem: "JOYFUL WITNES, SHARING GOOD NEWS IN CHANGING TIME".

Namel long bung bilong ol, olgeta memba i bin yusim hap de bilong ol long piknik long Ululan plantesen. Dispela piknik i helpim ol long kamap fres gen na givim spirit bilong diskasen na serim planti gutpela samting long helpim senis i kamap insait long PNG.

“the world in your pocket”

Features:

- 3 mb speed
- CDMA ver 2 tech
- wireless broadband
- plug & play

EVDO
K'cess Internet

TELKOM

For enquiries contact 323 4444

Helt sevis long PNG i no ron gut

..... Ol dokta no laik wok long ol rurel eria

Michael Novingu i raitim

HELT sevis i go long manmeri bilong PNG i no gut-pela na i bagarap pinis . Twenti pesen (20%) manmeri i stap long taun i kisim helt sevis taim 80% pesen i stap long bus ples i kisim taim nogut long wanem, helt sevis i no go long ol.

Gavman i trenim ol dokta na ol narapela helt woklain laik husat i wok long bikpela haus sik long taun. Na ol i no laik long helpim ol manmeri i stap long ol bus ples long Papua Niugini.

Gavman i wok hat nau long traim kisim helt sevis i go long manmeri bilong PNG i stap long ol busples.

Minista bilong Helt, Sasa Zibe i tokaut long Pasifik Helt Ministas kibung long Madang las wik i harim olsem helt sistem bilong PNG) i bagarap pinis.

Mista Zibe i tok 20% pesen manmeri i stap long taun i

kisim helt sevis tasol 80% ol turangu manmeri i stap long busples i no kisim helt sevis we ol kisim taim nogut.

Emi tok rot mipela i kari-maut long givim helt sevis i go long ol manmeri bilong dispela kantri i no stret. I gat gutpela rot i stap bai yumi bihainim long kisim helt sevis i go long manmeri bilong dispela kantri.

Mista Zibe i no wanbel long taim gavman i trenim ol dokta na ol helt woklain i laik wok long ol bikpela haus sik long taun. Na ol i no laik wok long ol helt senta long bus ples we nau i lukim ol komyuniti helt woklain i nogat inap save long kari-maut wok i wok i stap long ol.

"Rot o sistem mipela i kari-maut wok bilong mipela i no stret. Mi bai traim hat long kisim helt sevis i go long ol manmeri bilong PNG. Mi stat wok long em pinis." Mista Zibe i tok.

Mista Zibe i ok em i paitim

toktok wantaim ol wanwok bilong em long ol wansol-wara kantri long wok bung wantaim na kirapim na strongim wok bilong kamapim gutpela helt sevis long PNG. Ol i paitim toktok tu long painim gutpela rot long kirapim bihainim long daunim hevi bilong ol mama i karim pikinini bai i no inap long dai.

Mista Zibe i tok em i wari long planti mama i karim pikinini i dai long dispela kantri na olsem na em i makim wanpela tas fos o woklain long karimaut wok painimaut long painim wanem samting i kamapim dai bilong ol pikinini taim mama i karim ol na painim wanem i gutpela rot long bihainim long daunim dispela hevi i noken kamap.

Wanpela ripot i kam long Saut Pasifik Komyuniti Sekreteriet i soim olsem namba bilong ol mama i karim pikinini i dai i go antap



ARAWA KISIM HELT SEVIS: Wanpela famili bilong Sentrel Bogenvil i kam long klinil bilong ol pikinini long helt senta taim Wantok i bungim ol long Arawa. *Poto: Veronica Hatutasi*

i soim piksa nogut long kantri bilong yumi.

Minista i bosim wok bilong helt long PNG i wari long lukim namba i go antap olsem mipela mas kirapim wok hariap long stretim daunim hevi bai i

noken kamap Mista Zibe i tok.

Mista Zibe itok ol woklain o tasfos emi makim long karimaut wok painimaut bai tokaut long rot bai yumi bihainim long daunim hevi bilong helt sevis long PNG.

Emi askim ol narapela gavman dipatmen, bisnis haus ,ol NGO na ol narapela manmeri bilong PNG long wokbung wantaim long kirapim gutpela helt sevis i go long manmeri bilong dispela kantri.

Sik kolera kamap long Madang

Michael Novingu i raitim

FAIPELA ten six (56) manmeri long Madang i kisim sik kolera o pekpek wara i stap nau long Modilon Haus sik na Yagaum Helt Senta long dispela wik.

Bosman bilong helt sevis long Madang, Marcus Kachau, i tokaut olsem 10-pela pikinini na 46 bikpela man meri i stap i stap long Simbu Lodge setelmen na Bukbuk setelmen i kisim taim nogut long sik kolera i stap nau long haus sik.

Mista Kachau i tok ol wok lain long haus sik i givim tritmen bilong sik kolera long ol, nogat i dai kamap long ol lain i stap long hausik.

Ol tes ol i kisim long ol sik man meri ol i salim i go long Pot Mosbi long sekim na tok save olsem ol i gat sik kolera o nogat, bihain long tupela wik , Mista Kachau i tok. Mista Kaghau i tok kros long ol man meri long ol i no lukautim gut ol na ol i kisim taim nogut long sik kolera.

Em i askim ol man meri long lukautim ol yet gut long stopim sik pekpek wara noken kamap long ol.

Mista Kachau i tok ol helt wok lain i karim aut awenes i go aut long ol setelmen bilong traim long stopim sik nogut i noken kamap na i go aut long ol distrik.

Luteran Sios long Simbu holim AIDS kaunselin kos

Eric Sinebari i raitim

LUTERAN Sios long Simbu i ranim kos bilong trenim ol lain i ken lukautim na helpim ol lain i gat sik AIDS insait long Simbu Provins.

Progrem Kodineta bilong Kaunselin progrem long Simbu, Pasto Bukly Well, i tokim Wantok Nius long dispela wik olsem, Luteran Sios long (ELC-PNG) i holim 7- pela trening bilong kaunseling long olgeta hap bilong sios distrik. Na nau ol narapela kaun-

sela i kirapim na mekim wok na kamapim komyuniti kea senta we inap luksave long husat i gat sik AIDS i ken kisim gutpela kaunseling na stia tok long lukautim ol sik lain manmeri.

Pasto Well, i tok, 37 manmeri bilong Simbu i makim wanwan seket na kam long dispela trening.

Em tok dispela trening em (CPP) sios patna progrem i helpim na sapotim dispela progrem long kamap. CPP i givim K12,800 long kamapim dispela trupela wik trening,i bin stat long

26 Oktoba na bai pinis long tumora, Novemba 6.

Mista Clement Api bilong Simbu provins komyuniti kauselin kodineta i makim maus bilong provinsol AIDS Kaunsel i go pas long trenim ol dispela lain.

Makim maus bilong sios patna progrem, Vincar Siuna tu kam stap long dispela trening we i laik luksave long trening i kamap gut. Na planti lain i kisim moa save na i mas go aut long mekim wok long lukautim na helpim ol lain i gat ol sik long em.

Reveren Well i tok sios i go pas long ranim dispela wok bilong AIDS progrem i kamap bikpela na planti wok bilong helpim na tok save long ol kristen manmeri na pikinini bilong sios i mas save long lukautim ol yet.

Na tu, long trenim olgeta sios lida long kisim wankain trening na i go aut na tok save long ol narapela brata na susa i lukautim ol na abrusim sik AIDS.

Trena i ken go mekim wok we sampela sios lain i gat kea senta i helpim planti lain i gat sik long en," Reveren.Well i tok.

Malaria pait long PNG i kisim moa mani sapot

PAIT long daunim sik malaria long PNG i kamap long narapela mak long strongim pait i go moa long dispela wik.

Dispela em taim PNG i sainim wanpela agrimen wantaim PNG Kantri Kodinering na Mekanisim bilong Global Fan long mani mak inap long K132,723,765 milien (US\$50,435,031) PNG i kisim long wok bilong daunim na abrusim sik malaria.

Global Fan i wok long givim bikpela mani long PNG bilong pait

egensim ol sik olsem AIDS, TB na malaria insait long kantri.

Dispela agrimen bai karamapim tupela yia i kam. Em i makim hap namba wan long US\$146,6 milien we Global Fan i bin katim i kam long PNG inap long 5-pela yia i kam.

Em i kam aninit long gren mani ol i kolim long Raun 8 Grens. Hap namba tu fanding em ol bai givim i go aut sapos ol i lukim olsem ol wok na mani bilong hap namba

wan i ron gut na helpim gut pipel long en.

Dispela manimak em i bikpela tru na Helt Dipatmen wantaim ol patna bilong em bai yusim long karimaut Nesenel Malaria Kontrol Stretijik Plan bilong 2009 inap long 2013.

Nesenel Helt Dipatmen bai wok wantaim ol patna olsem PNG Institut bilong Medikel Rises (PNGIMR) , Divain Wod Yunivesiti (DWU) na Diwai Pasifik Limitit bilong karimaut Nesenel Malaria

Kontrol Progrem.

PNGIMR bai helpim Helt Dipatmen long sait bilong monitoring na glasim ol malaria kontrol progrem taim DWU na Diwai Pasifik Limitit bai helpim long sapotim na trening ol helt kea woklain long nupela trening gaid-lain bilong malaria.

Indaut long 5-pela yia i kam, Rotari egens long malaria bai helpim long tilim ol taunam we i gat marasin long olgeta hap bilong PNG.



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Stet sekretari tok ol i mas toktok long Palestain wari

Sekretari bilong Stet bilong Amerika (United States of America), Hillary Clinton, i askim pinis ol lida bilong Palestain (Palestine) na Israel long statim ken ol toktok bilong stretim ol wari bilong ol.

Misis Clinton i tok dispela ol toktok i mas kamap maski sapos ol tupela kantri i no kamapim wanpela tok orait long stopim ol wok Israel i wok long wokim long ol hap graun bilong Palestain.

Misis Clinton i bin mekim dispela askim bihain long bung em i bin mekim wantaim ol dispela lida.

PNG komyuniti redio winim intanesenel awot

Wanpela komyuniti redio long Otonomes Rijen bilong Bogenvil long Papua Niugini (PNG) i kisim pinis wanpela bikpela luksave bihain long ol bikpela wok em i save mekim long helpim long bringim ol gutpla senis long komyuniti bihain long ol bikpela hevi.

New Dawn FM i bin statim ol wok brotkas bilong en long 2008, wantaim bikpela tingting na laik long helpim long stretim gut sidaun long ples bihain long ol bikpela pait na hevi em i kamap long Bogenvil. Samting olsem 20 tausan manmeri i bin dai long dispela hevi na planti moa manmeri i bin lusim ol haus bilong ol.

Klostu 20 ol narapela lain long ol narapela kantri i bin resis long kisim dispela awot bilong Sosel Senis awot i kam long Yunivesiti bilong Kwinlan Komyunikesen Dipatmen, tasol New dawn FM i bin kisim dispela awot.

Profesa Ken Wiltshire bilong yunivesiti, husat i bin siaman bilong ol jas bilong dispela resis, i tok olsem 9-9-pela memba bilong dispela lain i bin vot long New Dawn FM long winim dispela awot.

Bipo PM sutim tok long Kevin Rudd

Wanpela bipo praim minista bilong Australia, Paul Keating, i sutim pinis ol strongpela toktok agensim praim minista Kevin Rudd bihain long tingting bilong gavman bilong Mista Rudd long givim wok long wanpla sinia gavman minista bipo bilong koalisen gavman.

Danny Morgan i ripot i kam long palaman haus long Kenbara (Canberra) olsem Kevin Rudd i wok long bihainim yet laik bilong em long makim ol opisa i kam long



TAITWARA: Ol manmeri i brukim ol taitwara we i bin kamap bihain long raunwin Mirinae long Sarere, Oktoba 31, 2009 long Santa Cruz taun, Laguna provins long saut bilong Manila, Filipins (Philippines). Ol strongpela win na ren bilong namba foa raunwin long hamarim Filipins insait long dispela mun, i bagarapim biktaun Manila na ol provins i stap klostu long en long Sarere. Ol taitwara dispela raunwin i kamapim i givim ol manmeri bikpela hevi. (AP Photo/Bullit Marquez)

tupela sait bilong ol wok politik, taim em i bin givim wok long Peter Costello long kamap olsem wanpela bod memba bilong Future Fund, tasol dispela nius i bin hatim bel bilong Mista Keating.

Mista Keating i bin sutim tok long Mista Costello olsem em i wanpla kain lesman husat i bin lusim 11-pela yia nating long traim long stretim na kamapim gut ol wok mani bilong kantri.

Mista Keating i bin sutim tok tu long Mista Rudd na tok olsem em i wanpela kain man husat i laikim bai ol narapela manmeri i lukim em olsem wanpela gutpela na naispela man, na em i tok olsem bai gutpela tru sapos Mista Rudd i bin makim wanpela Leba memba bilong palamen bipo.

Tasol Mista Rudd i no wari long toktok bilong Mista Keating, "Sampela taim bai mi mekim ol disisen we olgeta manmeri i no inap wanbel long. Mi no inap tok sori long dispela."

Sikspela Saina kamap pinis

Wanpela lain Chinese (ol Saina) Muslim Uighurs husat i bin kalabus long Guantanamo Be long Kuba (Cuba) i bin kamap long Sande, Novemba 1 long Palau.

Astingting bilong larim ol dispela kalabus long go stap long Palau, i stap aninit long ol wok em Presiden bilong Amerika (America), Barack Obama, i laik mekim long pasim dispela haus

kalabus long Guantanamo we i save kirapim planti toktok no laik i kam long planti kantri.

Presiden bilong Palau, Johnson Toribiong, i tok olsem bai ol i givim haus i go long ol dispela man, na tu bai ol i lukautim helt bilong ol, na givim ol sampela skul long helpim ol long painim wok.

Bernadette Carreon bilong Palau Horizon i bin tokim Redio Australia News olsem ol dispela man i statim pinis ol wok bilong redim nupela laip bilong ol insait long kantri.

Bikpela paia kukim wel depo

Wanpla bikpela paia em i bin kamap long wanpela wel (oil) depo long Westen India (Western India) i kilim10-pela manmeri.

Ol i ting, wanpela wel paipain i bin bruk long Fonde nait long wanpela Indian Wel Koperesem kompaun long Jaipur long stet bilong Rajasthan.

I kam inap nau ol i save olsem samting olsem 135 manmeri i kisim bagarap long dispela biru.

Ol paia paita i bin stopim ol wok bilong stopim dispela paia na nau ol i ting olsem dispela paia bai dai insait long ol de i kam.

Gavman laik stretim kwik ol sevis

Gavman long Filipins (Philippines) nau i wok long hariap

long bringim bek ol sevis olsem pawa raunwin Mirinae i bin bagarapim taim em i bin hamarim kantri na kilim samting olsem 12-pela manmeri.

Ol wokman i bin stat long rausim ol diwai em ol i bin pundaun bihain long ol strongpela win, ren na taim nogut, em ol i bin brukim ol pawa lain long biktain Manila, na ol ples raunim Manila.

Nau yet, Gavman bilong Australia i givim pinis 360 tausen US dola long weda opis bilong Filipins. Dispela mani em long helpim opis long kamapim wanpela Tropical Cyclone Early Warning System.

Filipins i save kisim samting olsem 20 ol stom o bikpela ren, win na taim nogut long wanwan yia.

Shirley Escalante i ripot olsem ambaseda bilong Australia long Manila, Rod Smith, i tok gavman bilong en i wok long wokbung wantaim Gavman bilong Filipins long kamapim gut ol wok long lukluk gut na skelim ol raunwin.

Mista Smith i bin toktok tu long namba bilong ol manmeri husat i bin dai na tu ol bikpela bagarap bihain long ol raunwin i bin hamarim Filipins na ol narapela hap long saut-is Esia (southeast Asia) long ol dispela mun i go pinis.

Gavman bilong Filipins i bin amamas long kisim dispela helpim long Australia, na em i tok olsem dispela mani bai helpim gut ol wok bilong weda opis long tokaut stret long taim ol dispela raunwin bai kamap.

Insait long wanpela mun tasol, 4-pela raunwin olgeta i bin hamarim Filipins na kilim planti manmeri na tu kamapim bikpela bagarap tru long kantri.

Gavman bilong Australia haitim toktok long kapsait bilong ges na wel

Mausman bilong oposisen long Australia long Environmen, Greg Hunt, i bin tok gavman i bin haitim ol trupela toktok bilong kapsait bilong ges (gas) em i bin kamap long Timore Solwara inap nau long 7-pela wik.

Tasol gavman i bin bekim toktok bilong Mista Hunt na i tok dispela kapsait bilong ges na wel (oil) i bin liklik na i no inap kamapim bikpela bagarap long envaironmen.

Tasol Mista Hunt i bin tok federal minista bilong Envaironmen Peter Garrett i no bin mekim gut wok bilong em.

Dispela i bin namba tu bikpela wel kapsait we i bin kamap long Timor Solwara long East Atlas wel rig, na i bin stap nau inap klostu tripela mun.

Ol kantri i gat planti mani bai peim moa long klaimet senis

Ol lida bilong Yurop (Europe) bai bungim presiden bilong Amerika (United States of America) Barack Obama long wik bihain long traim long kisim sapot bilong Americka long kamapim wanpela subsidi program em i luk olsem kos bilong em bai planti bilion dola bilong ol kantri i gat planti mani.

Niusman long Yurop Philip Williams i ripot olsem praim minista bilong Briten (Britain) Gordon Brown, i bin kolim dispela tingting bilong ol lida bilong Yurop olsem em i bikpela samting tru.

Long wanpela bung long Brussels, ol praim minista na presiden bilong ol kantri long Yurop i bin tok orait olsem ol kantri i gat planti mani i mas peim sampela mani long ol kantri i nogat planti mani. Mani mak bai samting olsem 160 bilion dolla long wanwan yia inap long yia 2020.

Mista Brown i bin tok olsem i luk olsem wanpela tok orait nau bai ol i kamapim long Copenhagen-we ol kantri i gat planti mani i mas peim ol bagarap em klaimet senis i kamapim i go long ol kantri i nogat planti mani.

Tasol lain Greenpeace na arapela ol envaironmen grup i bin toktok agensim dispela tingting na ol i tok i tru ol i sapatim sampela hap bilong dispela tingting, tasol ol i no bilip ol kantri i gat planti mani i bin klia gut long hamas mani tru ol bai putim.

Pacific BEAT

4, 5, 6am & 4pm, 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



KOMENTRI

NSP i pepa nating

NARAPELA wik Gavman bai tokaut long 2010 Mani Plen bilong em.

Long Gavman na ol manmeri wantaim dispela mani plen i gat bikpela laik i stap long em.

Rot dispela Mani Plen i kamap bai tokaut sapos ol manmeri bai sindaun gut o nogat.

Na long dispela as, em i bikpela long kamap bilong Likuifaid Nuturel Ges (LNG) projek.

Bikos long kamap bilong LNG gavman i kamap wantaim Nesenel Stratejik Plen (NSP).

Wantaim NSP Gavman i tok long mekim gutpela plen long narapela 40 yia, em long stat long 2010 i go long 2050.

Tasol sampela ol saveman i skelim olsem NSP i nogat lek bilong sanap.

Ol i tok i nogat wanpela kliapela tok long rot gavman bai karim aut em bihainim NSP.

Long NSP Gavman i tok long 5-pela samting olsem bai mas stap long NSP.

Dispela ol samting em olsem long NSP Gavman i mas lukim olsem ol Provins i gat pawa bilong mekim wok bilong ol yet na i no mas laikim daireksen bilong Nesenel Gavman.

Narapela ol samting em long Gavman i mas givim moa mani i go long ol provins, ol provins i mas gat inap mani long mekim wok, moa pablik sevans i mas lusim siti na go long ol provins na ol ruel distrik na Gavman i mas trenim moa ol wokmanmeri.

Bihain long dispela ol as tingting gavman long 2050 i laik lukim olsem ol manmeri i gat mani long poket bilong ol, ol i gat ol gutpela samting na amamas long laip.

Wantaim dispela ol man i tok maski gavman i kamap wantaim NSP em i no tingting long ol hevi nau i wok long kamap.

Ol i tok Gavman i mas yusim na pinisim gut Midium Tem Developmen Strateji (MTDS) na oltaim bihainim Midium Tem Fiskol Strateji (MTFS) bipo long em i go long NSP.

Ol rot i bagarap yet, haus i nogat marasin, i pas, ol i skul i no inap long kisim gutpela skul saplia na skul i pas.

Ol manmeri i no inap go kam long maket long kisim liklik toea bilong ol o mekim bisnis.

Na sapos Gavman i no pinis na yusim gut MTDS wanem gutpela samting moa i stap bilong ol manmeri i bilip long Gavman olsem em bai bringim gutpela sindaun long ol manmeri taim em i yusim NSP na kamap bilong LNG projek.

Ol i tok dispela em ol driman tingting tasol.

Gavman i kamapim tingting we em i gat skin tasol i no putim bun na mit yet.

Na olsem em i no gutpela Gavman i karim aut dispela plen long taim bilong 2010 Mani Plen.

Laip tru tru i no inap senis bikos ol manmeri husat i stap long posisen bilong mekim wok i no mekim wok.

Ol manmeri bai stap tarangu yet, ol saveman i tok.



PNG ken train NRL salens

GUTPELA win bilong PNG Kumul long las wiken insait long Pasifik Kap ragbi lig salens i soim olsem PNG em sempion ragbi lig tim insait long Pasifik rijon.

Ol win bilong PNG egensim Tonga na Westen Samoa i soim bikpela poins tru mak long 40. Na dispela kain bikpela win i soim strong na level bilong dispela spot insait long kantri bilong yumi.

Em tru dispela spot bilong ragbi lig em wanpela bikpela spot insait long kantri we planti manmeri save laik lukim na bihainim.

Wanpela bikpela samting nau em yumi harim pinis olsem Gavman bilong Papua Niugini tromoi sapot bilong em bihain long PNG Ragbi Lig long putim wanpela tim bilong yumi go insait long bikpela ragbi lig salens bilong Australia.

Oltaim yumi save lukim ol gem bilong Australia long televisen na yumi klia gut tru long kain gem na salens bilong ol. Yumi save gut tru long nem bilong ol pilaia na ol kosa bilong



Australia. Yumi gat wanwan feveret tim tu long ol Australia ragbi lig tim.

Olsem na bikos long dispela save na luksave bilong yumi long ol pilaia na tim bilong Australia, yumi ken lukluk kam bek long lokol tim bilong yumi yet long PNG na wok hat long sanapim tim bilong yumi na wok hat long kirapim em kamap long wankain mak olsem ol dispela tim bilong Australia.

Yumi lukim Nu Silan tim we bipo ol boi bilong ol save pilai long Australia insait long wanwan klap. Tasol I no longtaim go pinis na ol statim tim bilong ol y et na kamapim ol pilaia bilong ol long mak na level we ol pilai long Australia save ron long en.

Tingim, Nu Silan bin winim Australia long las yia insait long

wol kap salens. Nu Silan em wol sampion bilong ragbi lig nau.

Dispela rot tasol em PNG ken bihainim na kamapim ragbi lig tim bilong PNG insait long NRL salens long Australia na kamap wol sempion bilong ragbi lig long wanpela taim.

Tenkyu long PNG Gavman i sanap baksait long dispela tingting bilong putim PNG tim go insait long NRL bikos em bikpela laik na sapot bilong ol pipel bilong PNG tu.

Taim yumi opim televisen olgeta wiken na lukim NRL ragbi salens, em bai nais tru long lukim tu PNG tim i mekimsave wantaim ol arapela Australia tim tu.

Em tru olsem long kamapim wanpela PNG tim long pilai insait long NRL em bai kos bikpela mani tru long kamapim tasol sapos PNG Gavman ken putim mani na ol bisnis haus ken putim mani, em no wanpela hatpela samting.

Sapos dispela em wanpela samting bilong kamapim amamas na apim nem bilong PNG

insait long spot, painim mani na putim go long dispela PNG tim bai ol ken karim nem bilong PNG go insait long NRL salens.

Planti yangpela bilong PNG wok long pilai long ol ovasis klap pinis na yumi yet gat ol lokol bois husat wok long bun pairap na wetim dispela kain sans long kamap bai ol ken go insait long dispela bikpela intanesenel salens.

Em samting bilong mekim ol pipel i amamas na apim nem bilong kantri na bilong kirapim bel bilong ol yangpela bilong yumi long pilai spot na painim spes long go insait long dispela tim bilong yumi long PNG.

Gutpela tu long lukim sapot i kam long ol wansolwara kantri long dispela muv bilong PNG long go insait long NRL salens.

Tingim sapos yumi sot tu long ol eksperiens na strongpela pilaia, ol boi long wansolwara bilong yumi stap bai yumi ken kisim ol isi tasol na strongim tim.

Wanbel i stap. Yumi train NRL salens.

WANTOK

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Section 5B, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising terms.




Ol fen bilong Michael Jakson long Japan i kisim poto bipi ol i lukim muvi bilong em, "This is it" long namba wan taim lon g las wik Treinde. Jackson i bin gat 50 krismas taim em i dai i bin save danis gut stret olsem em i yangpela na strongpela yet wantaim sampela ol lain i yangpela moa long en long redi long ol biknem muvi olsem Thriller, Billy Jean King, Beat It na Human Nature. Ol i bin wokim dispela muvi taim Jackson i wok long redi long bikpela konset bilong em long London, tasol i no bin kamap bikos em i dai. *Poto: AP Poto. Shizuo Kambayashi.*



Ol manmeri i singaut amamas long meri i karim Olimpik Tos long Tos Rilei wot long Vankuva (Vancouver) Ailan, Britis Kolombia (British Colombia) long Mande November 2.2009. Dispela Olimpik fleim i raun i kam yet long Olimpia long Gris (Greece) na dispela em o 106 de bilong em long rilei ron resis bai i pinis long Vankuva long Februeri 12, 2010 o neks yia bilong makim Vankuva 2010 Winta Olimpik Gems. *Poto: AP Poto The Canadian Press- Jonathan Hayward.*



Pastaim Mis Australia, OLicia Stratton long Melbom Kap Resis long dispela Tunde, Novemba 3. Melbon Ka pi pulim \$5.5 milien long mani bilong Australia em i bikpela samtin g lonmg Speing Kanivel bilong Australai. *Poto: AAP/ Julia Smith.*



Ol lain i helpim ol nara-pela i kisim birua long nambis aninit long klif o sap maunten long Los Gigantes, Kanari Ailan (Canary) bilong Tenerif, Spein (Spain) long Sande, Novemba 01. Gavman bilong Spein i tok graun i bruk i kilim dai tupela man na narapela tupela em graun i kararapim i stap na ol i painim ol yet. Birua i bin kamap long 4 kilok apinun long Sande long wan-pela ples planti turis bilong noten Yurop i save laik ronawe long taim bilong kol na i kam long en. Tasol dispela ples i gat ol sap klif we birua i ken kamap long en. *Poto: AP Poto- Carlos Moreno*



Ol Nevi soldia bilong Teki (Turkey) i mas long pereid bilong ol long luk-save long Ripablik De long kapitel siti bilong ol, Ankara, Teki. Selebresen i makim 86 yias Teki i kamap wan-pela Ripablik. *Poto: EPA/STR.*



Wanpela soldia bilong Saut Korea (South Korea) i holim masin gan long anuel militeri eksais bilong ol long Yeosu, not long Seoul, Saut Korea long Fraide, Oktoba 30,2009. Long Fraide, Saut Korea i bin tokaut long plen bilong salim sampela soldia i go long Afganistan bilong lukautim ol woklain bilong em, tupela yia bihain long rausim ami bilong em long hap bikos long hevi bilong hostij o stilim ma holim ol man na singaut long givim ol bikpela mani bipo ol i lusim ol bek.

Redio Program

Program bilong Wanwan De Mande - Fraide

6am - 10am - Sankamap show - Host: KAS.T
6:15am - Komuniti Notis Bod
6:30am - Nius Hetlains / Bondei grittings
Trukai Rais - GES FAIA KOMPETISEN
6:45am - Niuspepa Hetlains
7:00am - Major Nius Bulletin - YUMIFM Nius Senta
7:15am - Toktok sapotim LO na JASTIS Sekta
7:30am - Trukai Rais - GES FAIA KOMPETISEN
8:00am - Major Nius Bulletin - YUMIFM Nius Senta
8:15am - Stori b'long Skelim Tingting

8:30am - Trukai Rais - GES FAIA KOMPETISEN
9:00am - Nius Bulletin - YUMIFM Nius Senta
9:15am - Luksave long Komuniti (Redio Pilai)
9:30am - Trukai Rais - GES FAIA KOMPETISEN
9:45am - YUMI PAINIM WOK Segment
10:00am - Nius - YUMIFM Nius Senta
10am - 2pm - Monin Trek na Belo Pack - Host: VAVIESSIE
10:10am - Lukatim yu yet - Helt toktok - RH Hyper Mart
10:45am - YUMI PAINIM WOK Segment
11:00am - Nius - YUMIFM Nius Senta
11:10am - Cont'd - Lukauti yu yet - Helt toktok
11:30am - Nius Hetlains b'long Belo Taim
12:00pm - Major Nius Bulletin - YUMIFM Nius Senta
12:10pm - BELO Taim - wantaim sapot b'long TELIKOM
12:15pm - Komuniti Notis Bod
12:20pm - BELO Taim - wantaim sapot b'long TELIKOM
1:00pm - Nius - YUMIFM Nius Senta
1:10pm - BELO Taim - wantaim sapot b'long TELIKOM

2:00pm - Major Nius Bulletin - YUMIFM Nius Senta
2pm - 6pm - Avinun Draiv Taim - Host: Enjo Dabix
2:00pm - 4:00pm (Tunde / Fonde) TOKAUT TOKSTRET
2:45pm - YUMI PAINIM WOK Segment
3:00pm - Nius - YUMIFM Nius Senta
3:10pm - Avinun cruz
4:00pm - Nius - YUMIFM Senta
4:10pm - "FOAPELA KAM GUD LONG 4"
4:30pm - Nius Hetlains
4:45pm - YUMI PAINIM WOK Segment
5:00pm - MAJOR NIUS BULLETIN - YUMIFM Nius Senta
5:10pm - 6:00pm - FLAME KULCHA (1 hr) listeners request
6:00pm - MAJOR NIUS BULLETIN - YUMIFM Nius Senta
6 - 7pm - Maggi noodles request aua
6pm - 00am - NAIT BEAT - Host: ANGRA KENNEDY
6:10pm - 7:00pm Mun kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW - Host: Papa Raegs / Sally / Nenge
00:00 - Early Monin Taim Cruz (ol lain brukim tulait shift)
- Miusik / Request / Tok pilai
- Kipim Kampani long ol nait shift.
Weekend Shift - Saturday & Sunday
6:00am - 11:00am - Wiken Sanrais
6:30am - Komuniti Notis Bod - Bondei grittings
7am - 9am - Wiken Spots
9am - 11am - Monin Raun
11am - 1pm - National Weekly Hit Parade (Host Kas.T)
2pm - 6pm - Sarere Avinun Draiv
6pm - 00am - Nait Beat (Host Angra Kennedy)
YUMIFM POROMAN TEAM:
Turner (KAS.T) Arifee - Team Leader / Program Director
Angra KENNEDY - Senior Announcer

Raun wantaim Wantok

ONETOX bilong Solomon Ailan rekotim nupela Krismas albam long PNG

JAMES KILA i raitim

BIKNEM grup bilong Solomon Ailans, O.N.E.T.O.X, husat i kamap wantaim naispela song long 2006 taitol 'Ramukazi' we i bin winim tru lewa bilong planti lain manmeri insait long Saut Pasifik nau i stap long Mosbi long rekotim wanpela nupela Krismas album bilong ol.

12-pela memba bilong grup O.N.E .T.O.X . i stap nau insait long CHM Supasaun Studio long Mosbi long rekotim dispela album bilong ol.

Wantok Niuspepa i bin gat gupela sans long go insait long studio long lukim dispela ol yangpela man bilong ONETOX i praktis long ol musik bilong ol insait long

CHM Supasaun Studio.

Menesa bilong grup Martin Matai i stori olsem dispela grup bai i rekotim 12-pela songs we i gat stail bilong O.N.E.T.O.X yet wantaim sampela reggei, na stail bilong dispela ben yet we bai i raitim long putim insait long dispela nupela album.

Dispela wokabaut bilong dispela stail grup bilong Solomon Ailan i kam long PNG em long promotim namba tu album bilong ol na tu long rekotim dispela nupela Krismas album.

Matai i stori gut tru olsem dispela grup em planti ol yangpela boi em yet i bungim ol na go pas long senisim laip bilong ol long kism musik olsem wanpela samting we i ken stretim sindaun bilong ol olsem ol gupela man long sait bilong rispektim lo na oda.

Em I tok planti bilong ol memba I bilong planti ol provins long Solomon Ailan olsem na ol I kolim dispela grup ONETOX.

"Planti ol dispela bois em mi kolektim ol long stait na mi bringim oligo insait long studio na ol i rekotim,"Mista Matai i tok.

Mista Matai yet em papa bilong wanpela studio long Honiara nem bilong en Shefram Studio. Dispela studio i bin kamapim dispela rekot bilong ONETOX em Ramukazi, we planti ol lain insait long Saut

Pasifik Ailans i save laikim tru. Sampela ol lain long ol ples olsem Fiji, Cook Ailans na Tahiti i save laikim dispela song na i mekim ol vesin bilong ol yet na pairapim long ol disko ples na nait klab bilong ol.

Mista Matai i stori olsem dispeal song "Ramukazi"em pikinini man bilong em Ray Matai i bin raitim na i redim kamap olsem wanpela music.

"Dispela boi ino save pilai music tasol em i kism dispela song bilong lalabai o song bilong mekim ol pikinini i slip bihainim tumbuna stail bilong Solomon Ailan na mekim kamap song na planti bilong mipela i guria tu taim song na i kamap nais tru," Mista Matai i tok.

Ol memba bilong ONETOX husat nau i stap long kantri long rekotim dispela nupela Krismas album wantaim CHM studio em Donald Tome, Dino Qalokesa, Derrick Vane, Mostan Ani, Caspar Junior Luiramo, Effie Sorumana, Sammy Aitorea na Nathan Rofeta.

Insait long dispela stap bilong ol long Mosbi, ONETOX bai pilai long sampela konset insait long siti long amamasim ol fens bilong ol. Wanpela konset bilong ol bai kamap long Fraide nait, Novemba 5 long Sports Inn long Mosbi.



ONETOX: Ol memba bilong ONETOX kism malolo insait long CHM Supasaun Studio long taim ol i rekotim nupela Krismas album long Mosbi. Foto: Nicky Bernard

RADIO AUSTRALIA TOK PISIN PROGRAM HARIM LONG: 101.9 FM

Radio Australia Tok Pisin Program - MANDE
Morning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karent Afes
8PM Mama Graun
8:15PM Musik/Spots
8:30PM Nius
8:40PM Youth Riplei
8:55PM Musik
9PM Stesen Pas
TUUNDE
Morning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karent Afes
8PM Mama Graun
8:15PM Musik/Spots
8:30PM Nius
8:40PM Youth Riplei
8:55PM Musik
9PM Stesen Pas
TRINDE
Morning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karent Afes
8PM Mama Graun
8:15PM Musik/Spots
8:30PM Nius
8:40PM Youth Riplei
8:55PM Musik
9PM Stesen Pas
FONDE
Morning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karent Afes
8PM Youth
8:15PM Musik/Spots
8:30PM Nius
8:40PM Youth Riplei
8:55PM Musik
9PM Stesen Pas
FRAIDE
Morning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karent Afes
8PM Youth
8:15PM Musik/Spots
8:30PM Nius
8:40PM Youth Riplei
8:55PM Musik
9PM Stesen Pas
SARERE
Nait
7PM Stesen op - Ol Nius Hetlain/Program Priviu
7:05PM Musik na Chit Chat
7:30PM Nius
7:40PM Wantok
8PM Lokal Ben
8:30PM Nius
8:40PM Musik/Chit Chat
9PM Stesen Pas
SANDE
Nait
7PM Stesen op - Ol Nius Hetlain/Program Priviu
7:05PM Musik na Chit Chat
7:30PM Nius
7:40PM Femili Blong Serah (Redio Plei)
8PM Lukluk Bek Long Wlk
8:30PM Nius
8:40PM Musik/Chit Chat

93FM YUMIFM National Weekly Hit Parade:
Sponsor: Digicel - bigger, better network
Produced & Host by: Kas.T
Statistics: Enjo Dabix & Poroman Crew
Week Ending: Saturday - 07th November 2009
Table with columns: W/B, L/W, TMK, C/Song, Artist.

TV GAID

FONDE NOVEMBA 5, 2009
5.00AM G JOYCE MEYER - Religious Program
5.30AM G TODAY
9.00AM EMTV PRIME TIME LINE UP
CLASSROOM BROADCAST
7.59PM STATION OPEN
KIDS KONA
3.00PM G G2G: GOT TO GO
3.30PM G THE KINGDOM OF PARAMITHI
4.00PM G SLEEPOVER CLUB (return)
4.30PM G THE SHAK
4.57PM G EMTV TOK SAVE
5.00PM G THE SHAK
5.29PM G EMTV NEWS UPDATE
5.30PM G HOT SOURCE
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G SPORTS SCENE
7.30PM PG ELITE MUSIC ZONE (New Time)
7.57PM EMTV TOK SAVE
8.00PM PG WWE AFTERBURN
9.00PM G ELITE MUSIC ZONE
9.30PM PG ADULTS ONLY 20 TO 1: "Losing It" (New Series)
Hosted by Bert Newton, it's a countdown of shameful and shameless celebrity behaviour. From unconventional relationship to unintentional revelations, you may never look at fame the same way again.
10.00PM M THE STRIP

Drama Series, The Strip - centres on the Criminal Investigation Bureau (CIB), a small and elite group of detectives who investigate the major crimes in Australia's playground of excess. - Stars: Aaron Jeffrey & Frankie J. Holden
11.00PM G NATIONAL EMTV NEWS REPLAY
11.30PM Australia Network
FRAIDE NOVEMBA 6 2009
5.00AM G JOYCE MEYER - Religious Program
5.30AM G TODAY
9.00AM EMTV PRIME TIME LINE UP
CLASSROOM BROADCAST
7.59PM STATION OPEN
KIDS KONA
3.00PM G DOGSTAR
3.30PM G THE KINGDOM OF PARAMITHI
4.00PM G THE SLEEPOVER CLUB (Series Return)
4.30PM G THE SHAK
4.57PM G EMTV TOK SAVE
5.00PM G THE SHAK
5.29PM G EMTV NEWS UPDATE
5.30PM G HOT SOURCE
5.55PM G CRIME STOPPERS
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G IN MORESBY TONIGHT
All the latest in entertainment and arts around Port Moresby, and PNG, with a special feature segments, a weekly studio guest and a weekly highlights of what's on your screen.
7.27PM EMTV TOK SAVE
7.30PM PG SECRET MILLIONAIRE (Series Premiere) In this new award winning series, each week a successful millionaire will go to the other side of the tracks with a secret identity and forge their own way working and volunteering in some of the poorest neighbourhoods. On their final day, the millionaires reveal their true identity, using their wealth, come to the aid of people who need it most to turn their lives around.
8.30PM PG THE SIMPSONS
9.00PM M 20 TO 1: "Greatest TV Moments"
10.00PM M GREY'S ANATOMY
11.30PM G NATIONAL EMTV NEWS REPLAY
Midnight Australia Network
SARERE NOVEMBA 7, 2009
11.29AM STATION OPEN
11.30AM PG THE MUSIC JUNGLE
8.30AM G ENGLISH SUPER LEAGUE
St. Helens v Huddersfield
2.30PM G TOTAL RUGBY
3.00PM G ENGLISH SUPER LEAGUE
REPLAY - Leeds v St. Helens
5.00PM G SPEED MACHINE
5.30PM G MXTV
6.00PM G NATIONAL EMTV NEWS
6.30PM PG AUSTRALIA'S FUNNIEST HOME VIDEO SHOW
7.27PM EMTV TOK SAVE
7.30PM PG MORESBY TONIGHT
8.00PM PG GHOST WHISPERER

9.00PM PG THE PURSUIT (Series Premiere) - 3 teams of 2 people race around Australia's capital cities in the ultimate treasure hunt. In one day, they will crack four cryptic clues that lead them to four secret locations, where the first across the finishing line gets the rights to go into the Grand Final where they could win \$25 000. Hosted by Maude Garrett.
9.30PM PG ELITE MUSIC ZONE
10.00PM M GREY'S ANATOMY
11.00PM G NATIONAL EMTV NEWS REPLAY
Midnight Australia Network
SANDE NOVEMBA 8, 2009
6.30AM G IT IS WRITTEN
It Is Written is an international, Christian television ministry dedicated to sharing insights from God's word with people around the world.
7.00AM G HILLSONG
7.30AM G TODAY ON SUNDAY
8.30AM G TOTAL RUGBY
9.00AM G WIDE WORLD OF SPORTS
10.00AM G AUSTRALIA NETWORK
STATION RE-OPEN
2.00PM G TOP SOIL
2.10PM G TOTAL RUGBY
2.40PM G THE PACIFIC CUP GRAND FINAL - EMTV brings you live coverage of the Pacific Cup 2009 Grand Final from the Lloyd Robson Oval in Port Moresby.
5.00PM PG SPECIAL ENCORE PRESENTATION - SECRET MILLIONAIRE
In this new award winning series, each week a

successful millionaire will go to the other side of the tracks with a secret identity and forge their own way working and volunteering in some of the poorest neighbourhoods. On their final day, the millionaires reveal their true identity, using their wealth, come to the aid of people who need it most to turn their lives around.
6.00PM G NATIONAL EMTV NEWS
6.30PM PG RANDOM ACTS OF KINDNESS
7.30PM G 60 MINUTES
8.30PM PG SUNDAY NIGHT MOVIE PREMIERE: THANK GOD IT'S FRIDAY (1978) Comedy/Musical - It's Friday and everyone is going to the hot disco. The Commodores are scheduled to play if Floyd shows up with the instruments and Nicole dreams of becoming a disco star. Other characters are there to win the dance contest, or to put a little excitement into a fifth anniversary. Stars: Donna Summer, Paul Jabbara
8.27PM EMTV TOK SAVE
10.30PM G HEALING PLACE TV
11.00PM G NATIONAL EMTV NEWS REPLAY
11.30PM Australia Network
MANDE NOVEMBA 9, 2009
5.00AM G JOYCE MEYER Religious Program
5.30AM G TODAY
9.00AM EMTV PRIME TIME LINE UP
2.59PM STATION OPEN
CLASSROOM BROADCAST
Education learning through television broadcast

A	E	L	F	A	I	L	M	A	R	O	S	I	H	D		
K	R	O	B	A	K	L	R	I	N	T	A	I	K	U	I	P
I	O	R	A	I	T	I	M	T	A	S	S	O	L	W	N	A
S	K	B	O	P	E	B	G	E	N	I	A	N	A	T	S	I
H	I	V	O	M	O	I	N	E	S	T	L	I	N	A	I	T
A	R	T	I	A	B	U	A	I	K	L	O	L	E	F	S	S
I	N	T	E	S	M	U	R	I	A	U	B	D	P	E	N	A
K	O	L	T	A	W	A	A	N	S	T	E	I	K	I	M	P
S	E	R	I	M	U	W	S	U	N	I	M	W	U	S	P	I
O	I	L	R	D	E	I	Y	I	W	B	I	A	K	R	W	M
L	L	M	S	E	W	T	R	O	N	V	W	I	A	O	K	I
E	E	O	E	L	A	I	L	T	R	E	P	L	R	E	R	S
R	S	W	A	N	U	P	O	L	I	T	A	B	A	W	U	L
K	I	P	I	K	L	A	M	T	J	G	R	O	D	U	P	S
O	S	A	M	A	P	N	O	P	N	I	W	E	L	I	T	L
N	W	E	N	T	F	U	K	A	L	I	U	P	A	W	S	I
A	N	I	U	S	O	S	P	L	A	N	E	N	I	A	L	B

Painim ol dispela toktok bilong wok kamda (kopenta)

AKIS	BLAIN	BOA	BOAMASIN	DIWAI
DUA	PLANG	FAILIM	HINSIS	KLAM
KONA	KOLTA	KROBA	NAIP	NIL
NIL DIWAI	PANGAL	PLUA	SAMAP	SAPIM
SARANG	SIMEN	SISEL	SISIS	SKRU

			5		2		6
6			9				5
	8	5		7	3		1
4		8		5	7		9
3		7				5	4
5			4	3		7	8
8			7	6		3	9
	3			1			5
9		2			8		

6	1	4	8	2	3	5	7	9
3	5	7	9	1	6	8	2	4
9	8	2	5	7	4	3	6	1
5	4	3	2	9	1	7	8	6
1	7	6	4	3	8	9	5	2
8	2	9	6	5	7	4	1	3
7	3	5	1	6	9	2	4	8
4	9	1	7	8	2	6	3	5
2	8	8	3	4	5	1	9	7

SUDOKU bilong las wik isu...

A	E	L	F	A	I	L	M	A	R	O	S	I	H	D		
K	R	O	B	A	K	L	R	I	N	T	A	I	K	U	I	P
I	O	R	A	I	T	I	M	T	A	S	S	O	L	W	N	A
S	K	B	O	P	E	B	G	E	N	I	A	N	A	T	S	I
H	I	V	O	M	O	I	N	E	S	T	L	I	N	A	I	T
A	R	T	I	A	B	U	A	I	K	L	O	L	E	F	S	S
I	N	T	E	S	M	U	R	I	A	U	B	D	P	E	N	A
K	O	L	T	A	W	A	A	N	S	T	E	I	K	I	M	P
S	E	R	I	M	U	W	S	U	N	I	M	W	U	S	P	I
O	I	L	R	D	E	I	Y	I	W	B	I	A	K	R	W	M
L	L	M	S	E	W	T	R	O	N	V	W	I	A	O	K	I
E	E	O	E	L	A	I	L	T	R	E	P	L	R	E	R	S
R	S	W	A	N	U	P	O	L	I	T	A	B	A	W	U	L
K	I	P	I	K	L	A	M	T	J	G	R	O	D	U	P	S
O	S	A	M	A	P	N	O	P	N	I	W	E	L	I	T	L
N	W	E	N	T	F	U	K	A	L	I	U	P	A	W	S	I
A	N	I	U	S	O	S	P	L	A	N	E	N	I	A	L	B

PAINIM NEM bilong las wik isu...

TORO



BIABIA



KANAGE



TOKWIN...

Maski miksim toktok

Wanpela liklik meri i pilai wantaim brata bilong em long haus, tupela putim wanpela botol wara long sait na tupela mekim save long pilai. Nek bilong tupela i drai na tupela dring long dispela botol wara, sista i dring pastaim bihain brata i pin-isim olgeta. Brata i putim long sait na tupela pilai gen, ino long taim na brata i tasim emti botol wara na botol i pundaun, liklik susa i lukim botol

wara i pundaun na liklik wara i drop isi tasol kam daun. Susa ya i no wet em singaut long brata bilong em, "hei lukim, yu pundaunim botol na liklik wara drip kam daun ya! Susa ya i laik tok drop o lik tasol i abrus na tok 'drip'. Laki bilong em. Sevim Skul Fi Nau. Tupela Mun moa bipo yumi lukim nupela yia, planti ol papamama i stat long sevim liklik mani ol i painim na putim long sait na luk gut tru long baim skul fi long neks yia.

Tasol sampela i harim olsem long neks yia, Gavman bai givim dispela yia long fri edukesen, nogat papamama bai baim skul fi. Dispela tok bai tru o? Ol papamama, save stap long yupela yet. Nogut dispela yia i pinis na neks yia toktok bilong Gavman bai popaia nating. Tingim gut papamama ino wanpela man tasol i lukautim Gavman, i gat planti manmeri tru na nogut yu wet nating.

Tok win tasol...

TV GAID


for Primary Schools for Grades 7 Mathematics & Science; Grade 8 Maths; Science; Grade 6 Personal Development. 9.30am Grade 7 - Mathematics. 10.20am Grade 7 - Science. 11.10am Grade 8 - Mathematics. 12noon Grade 8 - Science. 1.00pm Grade 6 - Personal Development. 1.50pm Grade 7 - Making A Living. 2.30pm Teacher Training & DEPI Program. 2.59PM STATION OPEN. KIDS KONA. Join Sussan B. Hila as she presents some of the kids favourite shows such as cartoons, series The Backyardigans: the favourite and high energy kids series Hi-5: The Pyramid & The Shak. It's an exciting, fun-filled show with games, competition and lots more. 3.00PM G THE BACKYARDIGANS. 3.30PM G HI-5. 4.00PM G THE PYRAMID (new series). 4.30PM G THE SHAK. 4.57PM G EMTV TOK SAVE. 5.30PM G WHO WANTS TO BE A MILLIONAIRE - HOT SEAT. 5.55PM G CRIME STOPPERS. 6.00PM G NATIONAL EMTV NEWS. 6.30PM G A CURRENT AFFAIR. 7.00PM G TOK PIKSA. 7.30PM G SURVIVOR: GABON. 8.30PM G PASTOR JOSEPH KINGAL MINISTRIES: "God Will Multiply Your Life, Part 2". 9.00PM G RPA. RPA takes us behind the scenes at the Royal Prince Alfred Hospital in Sydney, Australia. The new series of RPA promises to deliver even

more emotionally powerful stories of courage as extraordinarily brave people deal with an amazing range of medical conditions. 9.30PM M THE GIFT. 10.00PM M GHOST WHISPERER. Young and newlywed endowed with the unique ability to communicate with spirits, who has spent her entire life coping with this extraordinary gift, but who also yearns to lead an ordinary life - if only the dead would stop talking. And what they are saying leads her to some unusual psychic investigation. Stars: Jennifer Love Hewitt. 11.00PM G NATIONAL EMTV NEWS REPLAY. 11.30PM Australia Network. TUNDE NOVEMBA 10, 2009. 5.00AM G JOYCE MEYER Religious program. 5.30AM G TODAY. 9.00AM G EMTV PRIME TIME LINE UP. CLASSROOM BROADCAST. Education learning through television broadcast for Primary Schools for Grades 7 Mathematics & Science; Grade 8 Maths; Science; Grade 6 Personal Development. 9.30am Grade 7 - Mathematics. 10.20am Grade 7 - Science. 11.10am Grade 8 - Mathematics. 12noon Grade 8 - Science. 1.00PM G MELBOURNE CUP 2009. The race that stops a nation, as well as lead-up races LIVE from Flemington Racecourse, Melbourne, Australia. 2.59PM STATION OPEN. KIDS KONA.

Join Sussan B. Hila as she presents some of the kids favourite shows such as cartoons, series The Backyardigans: the favourite and high energy kids series Hi-5: The Pyramid & The Shak. It's an exciting, fun-filled show with games, competition and lots more. 3.00PM G THE BACKYARDIGANS. 3.30PM G HI-5. 4.00PM G THE PYRAMID (New Series). 4.30PM G THE SHAK. 4.57PM G EMTV TOK SAVE. 5.00PM G HOT SOURCE. 5.30PM G WHO WANTS TO BE A MILLIONAIRE - HOT SEAT. 6.00PM G NATIONAL EMTV NEWS. 6.30PM G A CURRENT AFFAIR. 6.57PM G NEWS UPDATE IN TOK PISIN. 7.00PM G HAUS & HOME. 7.57PM G EMTV TOK SAVE. 8.00PM PG THE APPRENTICE (Series Premiere). 9.30PM PG GREY'S ANATOMY (New Series). Grey's Anatomy is an American medical drama TV series. It follows the lives of five surgical interns, later residents and their mentors in the fictional Seattle Grace Hospital in Seattle, Washington. Besides their careers, the series also follows their personal lives. 10.00PM M ARMY WIVES - a television drama series that follows the lives of four army wives, their families, and an "army husband" whose wife is in the army.

11.30PM Australia Network. TRINDE NOVEMBA 11, 2009. 5.00AM G JOYCE MEYER Religious Program. 5.30AM G TODAY. 9.00AM G CLASSROOM BROADCAST. Education learning through television broadcast for Primary Schools for Grades 7 Mathematics & Science; Grade 8 Maths; Science; Grade 6 Personal Development. 9.30am Grade 7 - Mathematics. 10.20am Grade 7 - Science. 11.10am Grade 8 - Mathematics. 12noon Grade 8 - Personal Development. 1.00pm Grade 6 - Personal Development. 1.50pm Grade 7 - Making A Living. 2.30pm Teacher Training & DEPI Program. 2.59PM STATION OPEN. KIDS KONA. Join Sussan B. Hila as she presents some of the kids favourite shows such as cartoons, series The Backyardigans: the favourite and high energy kids series Hi-5: The Pyramid & The Shak. It's an exciting, fun-filled show with games, competition and lots more. 3.00PM G THE BACKYARDIGANS. 3.30PM G HI-5. 4.00PM G THE PYRAMID (New Series). 4.30PM G THE SHAK. 4.57PM G EMTV TOK SAVE. 5.00PM G THE SHAK. 5.29PM G EMTV NEWS UPDATE. 5.55PM G WHO WANTS TO BE A MILLIONAIRE - HOT SEAT. 6.00PM G CRIME STOPPERS.

6.00PM G NATIONAL EMTV NEWS. 6.30PM G A CURRENT AFFAIR. 6.57PM G NEWS UPDATE IN TOK PISIN. 7.00PM PG THE WORLD AROUND US. The Very Best of Paul Hogan. Paul Hogan has only ever played one character.....himself. It is this Paul Hogan character that has taken him from the scaffolds of the Harbour Bridge to the very top of Hollywood. Sit back and enjoy The Very Best of the Paul Hogan. 8.00PM M RESCUE: SPECIAL OPS (Series Premiere). In this brand new Aussie drama, the members of Australia's most elite rescue unit rely on courage, mateship and extreme skills as they risk their lives to save others. Stars Peter Phelps, Libby Tanner, Les Hill, Gigi Edgley, Daniel Amal, Katherine Hicks, Andrew Lees. 9.15PM WEDNESDAY NIGHT MOVIE. PREMIERE: CROCODILE DUNDEE (1986) Adventure/Comedy. An American reporter goes to the Australian outback to meet an eccentric crocodile poacher and invites him to New York City. - Stars: Paul Hogan, Linda Kozlowski. 11.30PM G NATIONAL EMTV NEWS REPLAY. 12.00MIDNIGHT Australia Network.



Nem: Petrus Taitus
Krismas: 18 (man)
Adres: Menyamy High School, P O Box 86, Morobe Provins
Save laikim: raitim pas, mekim fani, ektim drama na mekim pren.

Nem: Desmond Hesai
Krismas: 25 (man)
Adres: Skoki Trading P O Box 56, Vanimo
Save laikim: pilai soka, raitim pas na harim musik.

Nem: Dominica Dominic
Krismas: 18 (meri)
Adres: P O BOX 331, Kirene Primary School Ialibu
Save laikim: pilai, go lotu na wok gaden.

Nem: Domson Roape
Krismas: 19 (man)
Adres: Kirene Catholic Sios P O BOX 69, Ialibu
Save laikim: mekim pren , pilai tas na stori.

Nem: Kwame Baase
Krismas: 19 (man)
Adres: P O BOX AD 1218, Adabraka Accra Ghana West Africa
Save laikim: pilai soka na mekim pren.

Nem: Yaw Peprah
Krismas: 19 (man)
Adres: P O BOX AD 1218, Adabraka Accra Ghana West Africa
Save laikim: pilai soka, raitim pas na harim musik.

Nem: Gifty Yeboah
Krismas: 17 (meri)
Adres: P O BOX AD 1218 Adabraka Accra Ghana West Africa
Save laikim: pilai spot, raitim pas na mekim pren.

Nem: Lovely Cecilia Wood
Krismas: 17 (meri)
Adres: P O BOX AD 1218, Adabraka Accra Ghana West Africa
Save laikim: senisim ol poto, pilai tenis na raitim pas.

Nem: Stella Andoh
Krismas: 28 (meri)
Adres: P O BOX 87, Akim- Akroso Ghana West Africa
Save laikim: man long marit, ratim pas na ridim nius.

Nem: Kilopas Tita
Krismas: 18 (man)
Adres: Erap Primary School P O BOX 4692, Morobe Provins
Save laikim: pilai voli bol, harim musik na pilai mabol.

Raun wantaim Kanage olgeta wik

Kros long beltait

WANPELA moning, papa Kanage go wok long gaden. Em wok i go na hangere kisim em. Em kam bek long haus na meri bilong em skelim kaikai bilong em. Kanage kaikai pinis na em tokim meri na pikinini meri bilong em, "yu tupela i go na karim ol paiawut mi brukim pinis na i stap long gaden". Pikinini meri bilong em les. Papa Kanage belhat na em tokim em, "Yu les long wanem! Bai yu stap tasol olsem! Bihain yu marit, man bilong yu bai mekimsave long yu long dispela kain pasin". Mama harim Kanage hatim pikinini meri na em tokim Kanage, "Inap ya! Maski long kros". Papa Kanage tanim em tokim mama, "Mi gat rait long kros na skulim em long wok. Yu noken tokim mi long pasim maus. Yu tupela les long mi kros, orait, yu tupela i go na painim rot long kaikai na kisim mani!"

P Posou
Manus

Rais i no kuk yet...

KANAGE i stap wantaim meri bilong em longpela taim nau. Wanpela apinun, meri bilong Kanage i redim pot kaikai na putim long paia. Meri hariap i go waswas bikos em ples i hot. Em tokim Kanage long was long pot kaikai long paia. Em i go waswas na em lus tingting long kisim sop. Em i go bek long haus long kisim sop. Em i go antap long kisim sop na lek bilong em i wel na turangu hariap holim sait long haus. Tasol tauli lus. Kanage lukim olsem na em i opim ai na tok, "Aiyo...., rais i no kuk yet na Ox & Palm op pinis...".

Soulist Raiiotz
Madang

Pasim meri pikinini

TAIM bilong ileksen na ol kankain kendidet i go kempen long ples bilong Kanage. Kanage pinis long gaden na wok-about i kam daun long rot na lukim planti kar i ron wantaim ol manmeri antap na singaut wantaim i go long ples. Taim Kanage i wokabout i kam, wanpela kendidet i singaut long Kanage, hei paps, inap yu pasim meri pikinini bilong yu na givim long mi. Em i min long pasim vot na givim long em. Tasol lapun Kanage i bel kaskas na tokim kendidet ya 'Yu yet pasim bilong yu na givim i kam na bai vot i go long yu'

Mambu
Wantok Bilong Yu Yet

Inglis em yu ya

SIPI em wanpela lapun man na em i no skul long bipo. Tasol oltaim em laik tok inglis. Olsem na taim em i raun na harim ol manmeri i tok inglis, em save lokim tasol long het na stap. Wanpela taim em sindaun wantaim Kanage na pikinini bilong em i bik het. Kanage tokim pikinini long stap isi tasol pikinini tanim na bikmaus long



Kanage. Sipi bel hat olgeta na singaut long tok inglis, "Hey Son! Don't you off the maus to your father. I you father grow you big!" Kanage i laik paitim pikinini bilong em tasol isi em lusim em i go na lap stret long toktok bilong Sipi.

J Baiwara
Mosbi

"I come from the stua"

WANPELA moning Kanage i go baim tinpis long stua na wokabout i kam bek na bungim wanpela waitman long rot. Waitman i kirap na tok moning long Kanage. Waitman ya askim Kanage, "Where did you come from?" Kanage i bekim, "I come from the stua". Waitman askim gen, "What did you do there?" Stail Kanage bekim, "To bought a tinpis". Waitman askim gen, "What are you going to do with that tinpis?" Kanage bekim las wan, "Jas to eat angens the rais!"

LT
Kavieng

Kidim feelings

PAPAS Kanage em bilong Suon ples long Erap, Morobe Provins. Wanpela taim ol

lain bilong em long Kimbe salim tok long em long kam raun lukim ol. Kanage i go kisim ol lip brus bilong em long gaden na pasim ol redi long go long Kimbe. Lapun Kanage kalap long sip na i go long Kimbe. Wanpela de, lapun Kanage kisim ol lip brus bilong em na i go long maket long salim. Long maket, lapun Kanage lukim wanpela yangpela meri. Lapun Kanage trai lek na wok long wokim ai long meri i stap. Meri ya i no bisi long Kanage na em wokabout i go. Kanage wokabout hariap i go long baksait bilong meri ya na holim han bilong em. Meri ya kirap nogut na tok inglis: 'Hey, what's wrong with you?' Papa Kanage bekim tasol olsem: 'I jus akism yu bilong kidim feelings!' meri ya kros na tok: 'Plis, I am not your partner'. Taim lapun Kanage harim dispela toktok, papa ya paul olgeta na tok: 'That's olrait. I just want to be your pren for nau tasol'. Bekim bilong Kanage wokim na ol man meri long maket holim bel tasol na kaikai pinga.

Yabi Nain
Erap

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Bai yu i gat sans long winim "Raitman Kanage" t-siot!

Painim Tok! Raitim daun wanem pani samting yu ting i gutpela insait long babol long poto...

BAI YU WINIM WANPELA WANTOK T-SIOT O LAPLAP!
 Salim i kam long: **Pani Toktok Kompetisen, P.O. Box 1982, Boroko, NCD Port Moresby** - Sapos mipela i lukim wanem samting yu raitim i gutpela bai yu winim wanpela Wantok T-Siot o laplap na bai mipela i putim i go insait long pepa.
 Nem:..... Adres:.....
 Krismas bilong yu:..... Teleponi:.....
 Yu baim Wantok niuspepa long wanom hap:
 (Rot, Maket, Stua),.....
 Kaitim long hia

King bilong Tolai rok musik mekim albam long baim marasin bilong helpim sik pikinini

Mi no klia long statim musik stori bilong dispela wik long wanem stori mi nau laik tokaut i mas kamap long taim pinis.

Tasol gen mi no save sapos i bin i gat taim we wanpela i traim long kamapim ol albam insait long liklik taim olsem long 15-pela albam long 16 yia.

Tasol long ol pikinini i stap long hevi na papa i sori dispela em i narapela samting. Em samting yumi painim nau wantaim wanpela PNG namba wan music atis em Leonard Kania. Kania i putim tingting long pilai musik, mekim mani na helpim tupela pikinini bilong em.

Wanpela pikinini I gat sik long lewa na narapela em hap bodi i bagarap long em i pundaun long diwai.

Leonard husat nem bilong em i bikpela moa long narapela tupela Kania brata long musik em Uralom na Bernard i laik katim kaset long rekoding studio bilong Pati Doi.

Mani em i kisim long salim dispela rekod bilong em bai lukim tupela pikinini bilong Leonard i kisim helpim long marasin ausait long Rabaul.

Nem bilong kaset bai stap olsem "Lus long taim bilong wok" o long tok Inglis em "Missing in Action."

Tupela brata Uralom na Bernard i tok long givim sapat tu long wok bilong fan resing.

Na rekod bilong Leonard wantaim Doi long Quakes Prodaksen i lukim tu namba wan taim we em i lusim CHM Supasaun studio na i rekod ausait.

"Dispela wok i kamap bilong lukim famili i bung wantaim long kamapim mani na helpim tupela pikinini em Junia Leonard na Leonie."

Junia i kisim bagarap bihain long em pundaun long diwai na Leonie i gat sik long lewa," Mista Kania i tok.

Askim i go long em long wanem as na bihain long 21 krismas em i laik mekim olsem long kamapim mani, Kania i tok bikos long em i nogat taim.

10-pela long ol album em i bin mekim long sait bilong wok bikos em i kisim kontrak wantaim rekoding studio na

LK PRODUCTION PRESENTS
LEONARD KANIA - ALBUM LAUNCHING
TITLE: MISSING IN ACTION - VOL: 1

Recorded By: **QUAKES PRODUCTION**

U. Kania B/ up Vocallist
L. Moramoro Lead Guitar
A. Miro Keyboard 1
S. Igal Bass Guitar
H. Maniot Drums,
M. McCridle Keyboard 2

Booked & Event Manager: **Patti Potts Doi**

5TH DECEMBER, 2009 RALUM CLUB (RABAU), FEATURING CHOKE BAND & JESTS OF BUTEA.
12TH DECEMBER, 2009 JUNCTION NIGHT CLUB (POM).
18TH - 19TH DEC, 2009 THE PLACE (LAE).
31ST DECEMBER, 2009 SPORTS INN (POM), FEATURING CHOKE BAND OF RABAU.

Proudly Sponsored By:
TOKIWA PRINTING, NIEO LTD, LK PRODUCTION, GP, YUMI FM and RENB

MISSING IN ACTION: Nupela kaset bilong Leonard we I soim poto bilong ol musik man husta i helpim em long kamapim.

olsem em i mas kamapim 10-pela rekod wantaim studio bipo long em i ken mekim wok bilong em yet.

"Dispela taim mi mekim musik bilong mi yet na salim long haus ples bilong mi yet long wokim ol kaset na salim."

"Na mani mi kisim mi ken salim tupela pikinini long kisim marasin long narapela hap we i isi na orait long tupela."

Nupela album i gat 10-pela singsing, planti em songraita na musik arena Lesley Moramoro na wanpela singsing bilong Doi em "Bungim yumi," em George Telek i bin singsim.

Uralom i kamap tu long skin

bilong kaset olsem sapat singa husat i singsing tu long kamapim mani na helpim tupela pikinini, Junia na Leonie.

Uralom i singim tripela singsing em "Missing in Action", "Laki Man" na "Bungim Yu."

Doi i putim tu singsing bilong Junia Kopex em "Red Rose" na Leonard Waliling "Luanne."

Leonard i raitim wanpela singsing tasol em "Buin" na olgeta arapela singsing em Moramoro i raitim.

Long las 21 krismas Leonard i bin wok bung gut wantaim Raymond Chin, papa bilong CHM

Supasaun Studio.

Mi ken tingim long wanpela taim CHM sif enjinia Thomas Lulungan i kisim Kania i kam wantaim long ples bilong mi long Boroko long wanpela Sarere moning na i askim mi sapos mi inap long harim nupela albam bilong ben bilong Kokopo, Itambu we Kania i go pas long singim ol song.

Lulungan i tokaut long Kania long mi olsem Kania husat i bin rekot wantaim Pasifik Gol Studio long Rabaul nau i kam long Mosbi na i mekim namba wan albam bilong em wantaim CHM.

Sampela ol singsing em Kania i bin wok long ol long



nait bipo na kam long mi bilong mi ken skelim.

Long dispela moning pas-taim long em mi bin stap na tokaut long Kalang FM studio long 20 namba wan ol singsing bilong PNG musik.

Na go bilong Lulungan na Kania long haus bilong mi klostu long Apex Pak long Boroko i wanpela praivet wok-about.

Bihain long dispela mipela i lusim haus na draiv i go insait long graun bilong Apex Pak. Gras i longpela na mipela hait namel, pasim glas bilong ka olgeta, putim eia kondisen na pilaim dispela dami o piksa kaset na harim ol singsing Kania i singim.

Bihain long dispela bung Kania i singim wanpela singsing we i tok long Apex na mi no save dispela em i minim long bung bilong mipela long dispela hap.

Na taitel bilong kaset em Kas Aut (Out).

Dispela em i namba wan PNG rilis bilong 90s na i brukim rekot we planti ol singsing bilong dispela kaset I bin stap long top 10 bilong PNG 20 Musik Sat moa long tupela mun.

I nogat wanpela kaset bilong PNG i bin mekim olsem we kaset bilong Doi i bin kam klostu tasol long dispela mak.

Bihainim dispela rilis nem bilong Kania i kamap bikpela we narapela albam em i kamapim em Haus Bensin. Sampela ol singsing olsem "Maria" long dispela albam i bin stap long top 5 long longpela taim.

Musik bilong em i kamap bikpela taim em i lusim Rabaul na kam long Mosbi. Long dispela taim Kania i kolim em yet Raggae King bilong Tolai musik na bihain mi kolim em olsem King bilong Tolai Rok.

Kania husat i marit tupela taim na i gat 8-pela pikinini i wanpela namba wan musik man bilong Is Nu Briten long

apim nem bilong PNG musik.

Kania wanpela musik man husat em mi ken givim luk-save long em olsem man bilong pilaim "faiv ki" musik. Dispela musik i save kamap long Niugin Ailan, Sentrel, Madang na Is Sepik Provins.

Long JailBird kaset, singsing "ToWilliam" i go long olgeta long kamap top 5 long Yumi FM PNG Musik Sat.

Tasol go bek long tingting bilong kamapim mani long helpim Junia na Leonie, dispela tupelo mangi tru tru i no bagarap olgeta na sindaun nating.

Nogat. Junia olsem wantok bilong em na PNG disebel etlit Francis Kompaon i traim disebel etletiks na Leonie i bihainim papa bilong em na kamap singa. Em i kamapim tupela krismas karol kaset pinis wantaim papa bilong em na nau i redi long kamapim narapela long greduesen bilong skul bilong em.

Steven Igal, nupela mensesa bilong Kania na bes gitaris bilong X-Vibes i tok nupela albam bilong Kania "Missing in Action" em ol bai stat long salim long ol stua long Kokopo, Warangoi, Kerevat na Rabaul long Novemba 18. Opisel lonsing bai kamap long Disemba.

"Mi makim Disemba 5 olsem opisel lonsing bilong dispela kaset long Ralum Klab, Kokopo we Uralom, Moramoro, Andy Miro, Henry Maniot Millan McCridle na mi yet," Mista Igal i tok.

Em i tok wantaim sposasim i kam long Niugini Ailans Evens Oganaisa, Tokiwa Printing ol bai mekim lonsing tu long ol arapela taun na siti olsemk Junction Nait Klab long Holide Inn, Mosbi long 12 Disemba na The Place long Lae long 18 na 19 Disemba na kambek long Mosbi long Sports Inn bipo long Nu Yia, 2010.

Sponsasim i kam tu long LK Prodaksens, Quakes Prodaksen, Yumi FM na RENB.

Tokiwa Printing bai kari-maut bikpela wok long promotim kaset.

Husat manmeri i laikim kaset i ken ringim dispela ol mobail namba em 71093691 o 72951847.

Raun Lukim ol manmeri long Bogenvil

TAIM Bogenvil i wok long kamap orait, ol kain gutpela wok tu i wok long kamap long planti hap bilong Buka Ailan na tu, long bikples Bogenvil olsem ol dispela poto Wantok i bin kisim wanpela wik i go pinis. **Ol potos: Veronica Hatutasi**

AILAN BILONG MI SOHANO: Dispela famili i save stap amamas long nambis ples bilong ol long Sohano i bung long Wantok i kisim poto bi-long ol.



OL NUPELA PABLIK SEVAN HAUS: Sampela long ol nupela pablik sevan haus ol i wokim long dispela yia tasol long Sohano Ailan, Buka.



WAIHTHAUS O: Bogenvil i gat Waithaus bilding tu ya long Arawa. Bipo long hevi, dispela waithaus i bin hetkota bilong Bogenvil Provinsel Gavman. Nau yet em i sanap i stap, tasol i no naispela o waitpela tumas olsem bipo bikos long ol bagarap ol paitman i bin kamapim long taim bi-long Bogenvil hevi.

RISOT: Dispela nupela risot ol i wokim i stap long Sohano Ailan bai pulim ol turis i go long dispela ailan bipo i bin hetkota bilong Bogenvil.



WOKIM LONG PETATS: Dispela mama i no weit, tasol em i baim wanpela pul ol mama long Petas Ailan i salim long Bogenvil Yunaitet Sios mama i bin salim long so bilong ol long Buka.



SKRAP METOL: Dispela ka i karim ol skrap o ol hap hap metol i ron i kam daun long Panguna rot. Ol ovasis lain i wok long baim ol dispela hap hap metol long ol man long Panguna na Arawa.



DINGI SKIPA: Dispela Sohano Gret 8 sumatin (longpela manki i sanap) i save ranim dingi moto long ol wiken na ol skul malolo bilong em long painim poket mani bilong em.

Madang not kos pipel lain long putim teg long trausel

JAMES KILA i raitim

PLANTI manmeri na ol yangpela husat i bin stap insait long wanpela trening em wanpela non-gavman ogenaisin (NGO), Makata i bin kamapim long Karkum ples insait long Sumgilbar sab-distrik long Sumkar long Madang provins i amamas tru long trening ol i kisim.

Ol amamas bikos ol i lainim planti nupela samting, na dispela trening i opim tingting bilong ol long lukautim gut bus, graun na solwara bilong ol insait long lokal komyuniti bilong ol we leda-bek trausel i save karim kiau na tu go stap malolo long dispela ples.

Dispela trening long Karkum ples em Makata i kamapim wantaim sapot i kam long Turtle Island Restoration Network, wanpela narapela NGO we i save stap long kantri Amerika.

Bikpela as-tingting bilong kamapim dispela trening long Karkum em long skulim ol pipel, givim tingting na save long ol lokal pipel long save gut long marin ekoloji na na trausel baioloji. Na narapela as-tingting em long givim trening long putim mak o kapa long ol trausel we igo antap long wesana na lukim stap na raun bilong ol na tu long sait bilong edukesin aweanes.

Dispela trening i bin stap insait long 5-pela de, na man husat i bin go pas long dispela trening i traim hat tru long putim olgeta samting wantaim na igo daun long levul bilong ol pipel long ples long save gut na bihainim ol skul insait long trening. Saveman husat i go pas long trening em Job Opu.

Mista Opu em wanpela marin baioloji, o saveman bilong ol enimol na ol samting i save stap insait long solwara na laip bilong ol wantaim graun bilong ol.

Planti ol manmeri insait long komyuniti i bin amamas bikos Mista Opu i skulim ol na i bringim gutpela save bilong yunivesiti level igo daun tru long ol liklik manmeri long viles na haus-lain long save.

Klostu wan handret manmeri i bin stap long dispela trening.

Dispela ogenaisin Makata em i min olsem "Mas Kagin Tapini Asosesin" na long tokples Bel long Madang provins,



Marin baioloji Job Opu (lephan) I soim Dui Nanai long wei bilong yusim klipa long putim teg long trausel.

dispela i min olsem 'wasman bilong Solwara'.

Trening ya i bin givim bikpela salens tru long ol lokal pipel bilong Karkum, Mirap, Tokain, Murukanam, Gildipasi na tu ol lain bilong Pepaur, husat i bin kamap long dispela 5-pela de trening, bikos ol leda-bek trausel i save kisim namel long 35 na 40 krismas long go strong na redi long karim kiau. Tasol planti taim, taim ol dispela trausel i stap namel long 1 na 35-krismas planti bilong ol dispela trausel i save lusim laip bilong ol, tai mol pipel i kilim ol na kaikai mit bilong ol na planti taim tru ol pipel i save kisim ol kiau bilong ol trausel na karim igo na kukim na kaikai. Dispela pasin i daunim tru namba bilong trausel.

Eksekutiv Dairekta bilong Makata, Wenceslaus Magun, husat i bin stori wantaim Wan-



Ol yanpela i bisi tru long lainim ol samting long grup

tok Niuspepa long Mosbi i tokaut olsem dispela trening i bin bungim gut tru ol save bilong ol manmeri bilong ples wantaim ol save bilong sains (science) em ol bikpela save-man i save lainim long ol bikpela skul na yunivesiti. Insait long dispela trening ol

lain ples manmeri i lainim planti ol nupela samting long sait bilong ekoloji bilong marin, bus, graun na wara. Moa long en ol pipel i mas save gut long bikpela piksa bilong wane mol samting i save helpim ol yet insait long marin ekoloji.

Marin ekoloji

"Trausel em wanpela enimol we i save stap long solwara na graun, olsem na long save moa long dispela enimol, ol pipel i mas save na kisim moa skul long save long marin ekoloji," Mista Magun i tok.

Olsem na insait long dispela trening dispela marin saintis i bin skulim ol manmeri long sait bilong ol mangro, na ol kain kain mangro we i save gro, sampela long nambis, arere long maus bilong wara na long tais na ol ples we i stap long rif na kain olsem. Dispela saintis i skulim na toksave gut tru long ol pipel husat i stap long trening long wanem ol bikpela wok mangro diwai i save mekim. Mangro i olsem haus bilong ol pis long gro, kisim kaikai na tu long strongim graun arere long wara na tu long stopim bikpela haiwara long go antap na bagarapim ples.

Narapela samting ol pipel i bin lainim long en em ol rif we i stap insait long solwara. Dispela ol koral rif i save gro na em i save kisim moa long 100-yia long wanpela rif i gro igo kamap bikpela. Moa long en, rif i gat planti ol wok bilong en insait long marin ekoloji.

"Planti ol lain husat i harim skul i bin guria long save olsem taim ol i bagarapim rif, ol i bagarapim haus bilong ol pis na ol narapela enimol bilong solwara, husat i save kisim sapot o kaikai long dispela ol rif," Mista Magun i tok.

Ol lain long trening ya i kisim planti ol gutpela skul toktok olsem, taim ol i bagarapim rif, ol i bagarapim haus bilong ol enimol husat i save stap long hap, na taim dispela i kamap ol dispela enimol bai muv igo long narapela ples o sampela taim ol i ken dai olgeta.

Planti ol lain long ol viles husat i bin stap insait long trening i amamas tru na givim bikpela tok tenkyu tru long Makata long bringim saveman ya Mista Opu igo long Karkum ples.

Mista Opu long dispela trening i bin skulim ol pipel tu long sait bilong yusim ol klipa o spesel tuls bilong putim ol kapa-mak o teg long ol trausel. Dispela mak em long luksave long ol trausel long taim ol narapela lain i painim ol bihain.

Insait long dispela trening, Mista Opu i bin soim ol lain long rot bilong yusim klipa long putim long wanem bodi bilong trausel. Planti ol lain i amamas tru long skul ol i kisim long Mista Opu na planti i tok olsem moa kain trening i mas kamap gen.

Olga sapatim wok developmen wantaim K50,000

Paulus Tali i raitim

OL manmeri long sampela hap bilong Anglimp Saut Waghi nau bai lukim mak bilong divelomen i kamap long hap bilong ol.

Dispela bai lukim Westen Hailans Provinsel Gavman bai mekim rot long Wampitit na go long Mukuma.

Na taim i kamap bai mekim isi long ol long salim samting bilong ol long maket go mekim wok bisnis.

Dispela em bihain long Westen Hailans Provins Gavana Tom Olga is givim K50,000 mani i go long wanpela lokol kontrakta long mekim rot.

Long dispela taim ol manmeri i save kisim taim long karim kago bilong ol long go long klostu long hap we rot i stap na bihain kisim ka na go long Maunt Hagen Siti.

Tasol kamap bilong dispela rot

bai mekim laip i isi liklik.

Ol manmeri long dispela hap i gat planti kopi, potato, kaukau, kapis, pik na kakaruk long salim tasol hevi bilong rot i mekim ol i no inap long salim dispela ol samting na helpim sindaun bilong ol.

Longpela taim ol i wetim Gavman long mekim rot bilong ol tasol nogat wanpela mak i kam inap long dispela taim we i lukim Gavana i givim dispela mani.

Long taim bilong givim dispela mani Mista Olga i tok em i tingting bilong Nesenel Gavman na Provinsel Gavman olsem rot i bikpela samting.

"Mipela i save olsem wantaim rot olgeta arapela sevis bai kam na olsem mipela i mas mekim rot."

"Mi givim tasol dispela liklik mani tasol mi taim mi gat sampela moa mani mi laik mekim

moa rot bai ol pipel i lukim gutpela sindaun."

"Em i salens bilong olgeta Gavman long givim sevis long ol manmeri na mi traim hat long mekim olsem," Olga i tok.

Long tok tenk yu komyuniti lida Tom Lari i tok mani em Olga i givim i bikpela samting long wanem em i krai bilong ol manmeri long dispela hap long rot i mas go long ol.

Na mani Gavana i givim long kamapim rot bai helpim ol gut tru.

"Gavana Olga, bikpela tok tenk yu na amamas i go long yu long sapatim yu givim."

"Em i wok bilong Gavman long kamapim kain sevis na olsem mipela i amamas long wok bilong yu," Mista Lari i tok.

Long dispela taim tu Gavana i givim narapela K25,000 i go long lokol komyuniti skul long stretim ol klasrum na haus tisa.



KISIM GUTPELA LAIP: Johannes wantaim sampela ol kalabusman long Kerevat Haus Kalaus.

NARI long Kerevat kisim bipo kalabusman long wok

LOULENs (Lowlands) Agrikalsurel Eksperimen Stesin (LAES) bilong Nesenel Agrikalsa Risets Institut long Lae i kisim wanpela bipo kalabusman long wok wantaim ol.

Dispela man em Bruno Johannes husat i soim olsem em i ken kamapim sampela gutpela wok bihain long stap bilong em long kalabus.

Wantaim dispela ol opisa bilong NARI i gat bilip long wok bilong em na olsem ol i kisim em long wok.

"Bipo mi save katim gras, planim kaikai na kisim skul na bihain mekim wok long prosesim vanilla, tumerik na

pepa." "Bihain long dispela mi go wok wantaim neseri long Loulens Agrikalsurel Eksperimen Stesin."

"Ol dispela samting samting em mi bin wokim taim mi stap olsem kalabus man na ol bosman bilong Kerevat CIS kalabus i save kisim mi wantaim ol narapela kalabus manmeri kam wok long NARI."

Bihain long mi pinis long kalabus, Yuropien Union Komeselaisiesin Projek long LAES i kisim mi wok wantaim ol.

"Mi wok pinis na olsem mi tok tenk yu i go long NARI na CS

long ol i givim mi sans long soim strong na save mi gat long em," Mista Johannes i tok.

Long Kerevat Haus Kalabus Johannes i save lain long planim na lukautim kokonas, ol muli, mango, guava, mangosteen, galip, vanilla, turmeric, rais, kakao, potato, taro na kasava.

LAES i save wokbung wantaim CS long planti yia nau.

Wantaim LAES CS i laik lainim ol manmeri long kamapim gutpela samting long laip bilong ol gen.

Na wok long Agrikalsa i wanpela bilong ol.

Lainim ol sumatin long lukautim meme



KISIM SKUL: Ol sumatin bilong Bubia Praimeri Skul lain long kisim susu bilong meme.

EM i isi long ol manmeri i ken lukautim ol meme long ol rurel komyuniti bilong ol.

Na wankain olsem ol sipsip, pik, kakaruk o kau, ol manmeri i ken kisim mit o susu long meme long kaikai.

Lusim tasol ol meme long wanpela hap i gat gras o bus wantaim sampela wara ol meme i ken stap gut long dispela hap.

Long dispela as Nesenel Agrikalsa Risets Institut (NARI) i traim hat long promotim kamap bilong ol meme namel long ol manmeri bilong ples.

I no longtaim i go pinis NARI long Lae i bin soim ol mangi long Bubia Praimeri Skul na Bugandi Sekenderi Skul long rot bilong kisim susu bilong ol meme.

Long taim bilong soim ol skul mangi Atmaleo Aguyanto,

saitis bilong NARI i tokim ol skul mangi olsem em i isi long milkim meme.

Tasol kism milk long meme nating i no gutpela. Husat manmeri i milkim meme i mas kisim gutpela milk long meme na i no kisim milk tasol bikos em i save mekim.

"Ol meme i gat 3 i go long 4 pesen bilong protin na wantaim sampela liklik hap bilong fet. Na dispela fet i isi long bel i rausim moa long fet bilong kau."

"Na abus bilong ol i liklik. Bihain long kilim meme em i no hat long painim ples long putim abus na kaikai long bihain taim."

"Em i no hat long lukautim olsem kau i laikim long em. Liklik hap ples inap."

Em i tok moa olsem NARI laip stok progrem long Labu long Lae i wok long ronim ol pro-

grems long helpim ol manmeri i save long lukautim ol meme.

Dispela projek i kisim wanpela yia olgeta nau.

LNG projek bai kamapim gutpela sindaun

GAVMAN bilong Papua Niugini i luksave olsem dispela Likwufaid Neturel Ges (LNG) projek bai kamapim gutpela sindaun bilong ol manmeri.

Na long narapela 5-pela wik, stat long dispela wik i go long Disemba Gavman na ol projek divelopa bai sindaun na skelim tingting bilong mekim fainel invesmen disisen bilong divelopim dispela projek.

Minista bilong Pablik Entaprais Arthur Somare i mekim dispela toktok long taim Gavman i redi long tokaut long 2010 Mani Pien.

"Mi laik tok amamas long PNG LNG Projek na ol divelopa long ol i



TOK ORAIT: PM Se Michael Somare i sainim tok orait wantaim Jenerel Menesa bilong ExxonMobil Peter Graham. Petroleum Minista William Duma (lep han) i sindaun na lukluk.

pinisim gut fran end enjiaring na disaien wok painim na long ol i kisim tok orait bilong Envaironmen Permit na givim long Nesenel Gavman."

"Wok nau i stap long han bilong Gavman

long em pinisim gut laisens bes Benefit Searing Agrimen.

"Ol narapela tok orait bai kamap long ol wik i kam bihain," Mista Somare i tok.

Em i tok long kamapim projek

ExxonMobil bai mas painim ol fainens o mani manmeri long Japan, Saina na Taiwan.

Em i tok ripot i kamap long pepa i no longtaim i go pinis long maski dispela projek i kamap,

PNG bai stap tarangu yet.

Dispela em long wanem Gavman i wok hat long lukim mani i go long ol rurel distrik.

"Mi no bilip long dispela ol toktok long wanem mi bilip olsem dispela LNG bai bringim gutpela sindaun long ol manmeri."

"Inap olsem 60,000 papagraun bai kisim ol win mani long dispela projek na narapela hap sea we Gavman bai kisim bai go long ol pipel bilong Papua Niugini."

"Inap olsem 1500 manmeri long PNG bai kisim wok stret long dispela projek," Mista Somare i tok.

Long dispela as em i tok em i no bilip taim ol manmeri i kamap wantaim kain ol tingting.



SINGSING: Ol PNG Telikom Kumuls i amamas bihain long ol i winim Pasifik kap taitol agensim Cook ailans long Mosbi las wik Sande.

RON: Debbie Kaore husat i save pilai ragbi unioni bilong ol meri ron wantaim bal long wanpela resis las wik Sande long Mosbi.



RAUSIM: Kumul senta, Menzie Yere i kamapim wanple strongpela gem agensim ol Cook ailans.



PULAP: Ol manmeri no wari long pundaun na kisim bagarap. Taim ples i pulap long daunblo,m ol i save kalap i go antap long lukim pilai.

POTOS: Andrew Molen.

bemobile

PAINIM BAL RESIS!



Putim mak (X) long wanem hap yu ting bal i stap long en na salim i kam long:

**Bemobile
PAINIM BAL RESIS
WANTOK NIUSPEPA
P.O. Box 1982 Boroko,
NCD
Port Moresby.**

Bai yu gat sans long winim **sampela gutpela prais** i kam long Bemobile na **K100** i kam long Wantok Niuspepa long wanwan mun.

Lo bilong resis:
Ol wokmanmeri bilong Wantok Niuspepa no inap pilai long dispela resis. Wantok Niuspepa tasol bai i makim wina. Nogat potokopi.
Taim bilong dro em bihain long foapela wik bai ol i droim wina na nupela pilai bai i stat gen. Nem bilong wina bai kamaut long pepa neks wik bihain long dro.

bemobile **WANTOK**

Nem:.....Krismas.....

Atres:.....

Phone namba:.....

Yu baim pepa long we?

Long stri/ rot/ stua:.....



**bemobile
cup**

Katim na salim i kam

Yupela em sempion: Somare tokim Kumuls

Andrew Molen
i raitim



BUNG: Sir Michael i amamas long pilai bilong ol Kumuls. POTO: PM's midia yunit.

PRAIM Minista Gren Sif Sir Michael Somare i tok olsem ol Kumuls em ol sempion bilong kantri.

Na bikpela amamas bilong em i kamap taim em i lukim ol Kumuls i winim Cook ailans long fainol bilong Pasifik kap resis las wik Sande long Mosbi.

"Mi lukim gutpela pilai bilong ol Kumuls long Sande na dispela i mekim mi amamas olsem Prait Minista bilong kantri.

"Mi save olsem olgeta manmeri long PNG tu i pilim wankain," Sir Michael i tok.

Sir Michael i bin bung wantaim ol Kumuls dispela wik Mande long Ela Beach hotel long Mosbi we em i tok amamas long gutpela pilai bilong ol.

Em i tok win bilong ol long dispela resis long kamap olsem nambawan ragbi lig kantri long Pasifik i helpim kantri long traime long putim wanpela tim insait long NRL long Australia.

Sir Michael i tok amamas tu long Cook ailans, Fiji na Tonga husat ol tu i kamap long dispela tonamen.

Ol Pasifik pilaia bungim ol sumatin

OL Pasifik kap pilaia i bin bung wantaim na raun i go long ol skul insait long Mosbi siti long Fonde las wik bipo long fainol bilong ol las wik Sarere na Sande.

Wanwan tim bilong Papua Niugini, Tonga, Fiji na Cook ailans i go long wanwan skul we ol sumatin na tisa i amamas tru long bungim ol.

Ted Diro praimer skul i bin amamas tru long kisim ol Kumuls na Coronation praimer mekim bikpela bung wantaim Fiji Batis.

Kosa bilong Fiji, Terry Gilogely i tok dispela bung em wanpela bikpela samting long stap bilong long PNG.

"Em i wanpela gutpela ekspirians," Gilogely i tok.

"Ol pilaia i amamas tru long pasin ol skul i mekim long kisim ol i go insait.

"Mipela ino ting ol sumatin bai amamas olsem long kisim mipela, ol i soim bikpela amamas tru na i gutpela long lukim," em i tok.

"Ol manmeri long hia i bin gutpela long mipela olsem na i gutpela long mipela tu i ken givim sampela samting i go bek," Gilogely i tok.

Plantil ol sumatin i gat krismas namel long 9 na 15 na ol i mekim tumbuna singsing na danis long amamasim ol pilaia.

NRL refri, Steve Clark i givim sampela ol samting bilong pilai go long hetmistres bilong skul na bihain ol Kumuls, Charlie Wabo na George Moni pilai ragbi tas wantaim ol skul mangi.

"Em i gutpela long kam aut olsem na bungim ol mangi na pilai liklik wantaim ol," Kumuls huka, Jay Ashton i tok.

Hetmistres bilong Ted Diro praimer skul, Hane Opi tok ol i amamas tru olsem ol biknem pilaia bilong Pasifik kap na ol NLR refri kam raun long skul bilong ol.

"Mipela i gat gutpela sans long lukim ol i kam olsem na mipela bai tingim dispela bung olgeta taim," em i tok.



BUNG: Kumul, Charlie Wabo i toktok long ol sumatin. POTO: Pasifik kap midia yunit.

Isten hailans laik kisim bek taitol

Sape Metta i raitim

OL spotsmanmeri bilong Isten hailens (EHP) tim i wok long trening hat na redi long traim na winim bek taitol bilong PNG gems taim ol i kam long namba 4 PNG gems long NCD dispela mun.

Provins i makim pinis

600 spotsmanmeri na ofisol long go long dispela bikpela pilai bilong ol grassroots.

Isten hailens i bin winim dispela resis tupela taim pinis bipo long 2003 na 2005.

Long 2007 ol i bin kam namba tri ples na nau ol i hangre long winim gen.

Isten hailens tim bai stap insait long 19 spots resis; etletiks, boksing, bodi bilding, wet lifting, kikboksing, taekwando, basketbol, voli-bol, boling, golf, ragbi lig nains, ragbi union sevens, netbol, ragbi tas, hoki, dats na spots bilong ol turangu.

Ol i wok long hatwok tu

long traim na bungim K600, 000 long salim olgeta manmeri bilong tim i go pilai.

Isten hailen provinsol spots otoriti, Peter Sakipa i tok amamas long EHP edministresen husat i bin helpim ol wantaim K50, 000 long statim fenresing wok bilong ol.

Edministresen i baim pinis tu K5, 000 afiliens fi bilong ol i go long PNG gems ogenaizing komiti.

Ol tim ofisol i singaut long 9-pela memba bilong provins, ol bisnis na ol manmeri long provins tu long sapatim tim long sampela kain rot.

Bisi long pilai tasol: Tim Westen hailans no wari Minista i tok

Paulus Tali i raitim

MINISTA bilong petroleum na enesi na memba bilong Hagen, William Duma i tokim ol manmeri bilong Gomis long lustingting long ol arapela pasin na tingting long pilai tasol.

"Lusim ol autsait pasin na bisi long pilai tasol we bai bungim yumi long kamap wanpela," em i tok.

Minista Duma i mekim dispela toktok taim em i opim ragbi lig gren fainol bilong Gomis long Sande Oktoba 25 long Westen hailens provins.

Dispela A gred gem i kamap namel long Amec Brothers na Mompou Tribes.

Brothers i win 18-14.

Duma i tok bipo long taim em ino memba yet em i save kam sapatim ragbi lig long hap.

"Nau mi memba na mi kam bek yet long sapatim dispela spot long hia.

"Long dispela as mi laik yupela ol yangpela manmeri tu i mas lusim ol autsait pasin na tingting tasol long spots," Em i tok.

"Mi laik yupela i lusim simok nogut olsem mari-

wana, stim na ol arapela drak we bai no inap helpim laip bilong yu," em i tok.

Minista Duma i tok Gomis i kamapim sampela ol biknem pilaia bilong PNG pinis olsem Rodney Pora bilong Agmark Gurias, Simon Yak bilong Masta Mak City Rangers na Steven Mell bilong Bintangor Eagles bilong Hagen yet.

"Yumi mas amamas olsem ol i karim nem bilong Gomis na i gat planti moa yangpela pilaia i stap husat i ken mekim wankain," Duma i tok.

Em i tok tu olsem Hagen em i namba tri siti bilong PNG na ol manmeri mas lainim long wokbung na sindaun gut wantaim.

Spots em i wanpela rot bilong ol long mekim dispela i kamap.

Duma i givim tu K55, 000 long presiden bilong Gomis ragbi lig, James Yak long ronim spots long hap.

Em i tok tu olsem bihain bai em i lukluk long putim banis long dispela pilai graun long mekim i kamap gut.

Pius Mon i raitim

OL i nogat gutpela samting na ples bilong trening tasol dispela ino stopim Westen hailans tim long redi long PNG Gems long Mosbi dispela mun.

Long wanpela bung bilong olgeta tim menesalong Lutheran Guest haus long Fraide, Oktoba 23, ol i tok ol pilaia i nogat gutpela samting na ples bilong trening tasol tingting bilong ol i strong yet long winim ol medol long pilai.

Ol kain spot olsem pilai bilong ol turangu manmeri, pawa lifting na wetlifting i mas i gat ol gutpela samting bilong trening tasol ol i traim strong na save bilong ol i long wanem samting ol i gat.

Dispela bai mekim ol i painim hat liklik long resis gut bilong wanem ol i nogat ol samting bilong trening long dispela kain spot olsem long Goroka, Lae na Mosbi.

Menesa bilong wanpela spot insait long provins i bilip olsem tim bilong em bai winim gol medol bilong wanem ol i putim mak pinis long PNG gems maski ol i nogat gutpela samting.

"Mipela i nogat ol gutpela samting na ples bilong trening, nau yet mipela i trening long haus tasol mipela bai winim gol medol taim mipela i go daun long Mosbi," Amos Wak bilong pawalifting i tok.

Em i tok olgeta membabilong pawa lifting, wet lifting na spots bilong ol turangu i stap nau long ples bilong em long Kelua autsait tasol long Hagen bilong anem i nogat narapela gutpela bilong ol long stap na trening.

Tim menesa bilong turangu spots tu i autim wankain belhevi.

Em i tok, em i askim Hagen klap sapos ol i ken yusim ol samting bilong ol long trening tasol nogat bilong wanem ol wokman i wok long stretim dispela ples i stap.

Nau yet, ol tu i go bek na trening long haus.

Em tu i bilip ol bai winim gol medol bilong wanem ol i bin winim 5-pela gol medol long 2007 PNG gems long Lae na i ken mekim wankain gen.

Ol arapela tim bilong Westen hailans husat tu i wok long tren hat i stap long traim na winim ol medol em

netbol, ragbi lig 9's na ragbi 7's, sofbol, volibol, boksing, etletiks na taekwando.

Provinsol kaunsel menesa John Kouse na namba tu bilong em, Simon Kama i tok maski long dispela hevi, ol tim menesa i mas gat gutpela tingting long winim ol medol.

Tupela i tok tu olsem tim i mas bungim inap K700, 000 long karamapim wokabout, stap, yunifom na ol arapela kos bilong salim tim i go pilai.

Kos bilong yunifom na balus tasol bai nap long K200, 000.

Ol bai salim 400 pilaia na ofisol i go long dispela tonamen.

Kouse na Kama i singaut long olgeta pilaia tu long pinis baim ol levi fi bilong ol, sapos nogat bai ol i rausim nem bilong ol long tim.

Ol i tok menesmen i laikim dispela ol mani long helpim wokabout bilong tim na ol i askim ol manmeri, bisnis na gavman husat inap long sponsaim ol.

Husat i laik helpim i ken putim mani long Team WHP - PNG Games 2009, akaun namba 13379617, ANZ, Mt Hagen brens.

Paitim AIDS na pasin paitim meri long PNG gems

Andrew Molen i raitim

TUPELA bikpela samting ol ogenaia bilong PNG gems bai lukluk long en dispela yia em sik AIDS na pasin bilong paitim ol meri na mama.

Komiti bilong yusim spots long stopim HIV (Committee of HIV Prevention Through Sports) i kamapim dispela tingting long traim na helpim long daunim namba bilong sik AIDS long go bikpela.

Ol i makim PNG Gems long NCD dispela mun long mekim bikpela aweanes stret long dispela sik.

"Mipela bai mekim aweanes na tubung na tok tok wantaim ol etlit na painim aut hamas save ol i gat long dispela sik," siaman bilong komiti, Sir John Dawanicura i tok.

"Sampela ol lain husat i gat dispela sik bai kamap tu long toktok wantaim ol etlit long dispela sik," em i tok.

Sir John i tok tu olsem ol bai givim aut sampela askim i go long ol etlit long kisim bekim bilong ol.

Dispela bai soim hamas save tru ol i gat long sik AIDS.

"Bekim bilong dispela ol askim bai soim ples klia sapos ol manmeri save kisim gutpela save long olgeta aweanes na wok skulim bilong sik AIDS we i save kamap," Sir John i tok.

Komiti kisim helpim bi-

long National AIDS Council (NAC) wantaim K150, 000 long mekim dispela wok.

"Yupela i lukluk long sik AIDS tasol mi laikim yupela i lukluk tu long skulim ol manmeri long lusim pasin bilong paitim ol meri na mama.

"Mi bilip pasin bilong paitim na bagarapim ol meri em i wankain olsem sik AIDS, tupela i go wantaim," dairekta bilong NAC, Wep Kanawi tok.



Wok bilong ol tim menesa na ofisol

LAS wik mi toktok long wanem ol samting yu mas mekim o wok menesmen bilong yu long lukautim tim bilong yu long dispela PNG Gems.

Dispela em wanpela bikpela samting long helpim tim bilong yu na em i bikpela samting tu long helpim tim bilong yu i pilai gut na winim ol medol.

Dispela wik bai mi toktok liklik long ol wok bilong ol lain husat i go pas long lukautim ol tim bilong ol olsem menesa.

Long stat, tim bilong yu i mas gat straksa o sanap bilong ol man husat i holim wanwan wok menesmen olsem ofisol bilong tim.

Dispela sanap bai lukim menesmen bilong bikpela tim i stap antap na anit em ol menesa bilong wanwan liklik tim insait long dispela bikpela tim.

Namba wan samting long mekim em long makim ol manmeri husat bai kamap olsem ol menesa.

Dispela em bikpela wok olsem na ol lain ol i makim i mas i gat gutpela save na ekspiriens long mekim kain wok.

Dispela ol lain i mas gat pasin bilong wok olsem lida na i gat gutpela save na ekspiriens long wok olsem menesa.

Tim menesa husat i gat dispela ol save long wok bai no inap bungim planti hevi taim em i lukautim na ronim tim bilong em long taim bilong pilai.

Ol lain husat i gat save na ekspiriens long mekim kain wok bipo bai ronim gut ol samting long taim bilong pilai na dispela bai helpim long strongim spirit bilong tim na tingting bilong ol long pilai na win.

Sapos wanpela hevi kamap insait long tim, ol tim menesa bilong ol bai wok long stretim pastaim bipo em i go long ol bikpela tim menesa.

Long dispela as, ol tim menesa i mas gat inap save na ekspiriens long stretim ol hevi we i kamap long ol liklik tim bilong ol bipo em i go bikpela na i go long ol tim menesa bilong bikpela tim.

Ol i mas gat bilip long ol yet long stretim dispela ol hevi long tim bilong ol wanwan.

Wok bilong lukautim, ron na redim tim bilong ol yu olsem wanpela menesa i mas stat hariap, bipo long taim bilong pilai.

Em i mas stat taim tim i wok long trening yet inap long olgeta pilai pinis long tonamen.

Yu bai asua stret sapos yu wet i go na laik stat mekim ol dispela wok taim gem i laik stat.

Yu mas gat moa taim long bung wantaim ol pilaia bilong yu na traim long save gut long ol.

Olgeta samting i mas stat long yu olsem tim lida na gutpela piksa bilong ol pilaia bilong yu.

LAE BISCUIT CO.



WANTOK

SPOTS

LAE BISCUIT CO.



Isu 1839

Wan wik: Fonde, Novemba 5 - 11 2009.



phones from only **K29**

from bemobile stores and all good retail outlets



bemobile toktok moa

Hekari kisim O'lig i kam gen

Bai bungim Lautoka FC long Mosbi

Andrew Molen i raitim

HEKARI Souths United bai kisim O'lig soka resis i kam long PNG gen taim ol i pilaim Lautoka FC bilong Fiji long Mosbi dispela Sarere.

Dispela em i namba tu yia bilong Hekari insait long dispela bikpela soka resis bilong Pasifik rijen na ol wok long traim strong yet long apim nem bilong PNG go antap olsem wanpela strongpela kantri bilong soka tu.

Dispela em namba

tu gem bilong Souths insait long O'lig bilong dispela sisen we bai go inap long 2010 tu.

Hekari holim bek planti ol pilaia bilong ol bilong 2008-2009 sisen na i gat bilip olsem ol bai kamap wankain strongpela pilai we ol i soim bipo pinis.

Ol i soim las yia olsem ol inap long ol arapela Pasifik kantri taim ol i winim Koloale FC bilong Solomon ailan na Lautoka bilong Fiji.

Long Oktoba, Hekari dro wantaim Tafea FC bilong Vanuatu long Port Villa 3-3.

Tasol Lautoka em i strongpela tim tu na dispela Sarere bai ol i traim Hekari long asples bilong ol.

Planti moa O'lig pilai bai kamap long PNG we bai apim level bilong soka long PNG.

Dispela em bikpela astingting bilong PNGFA taim ol i kamapim NSL resis we sempion tim bilong NSL bai go insait long O'lig.

GOL: Ol Hekari pilaia i ron wantaim na amamas bihain long Kema Jack (namel) i soka bilong ol agensim Koloale bilong Solomon ailan las yia long Mosbi.



POTO: WANTOK NIUSPEPA POTO.

INSAIT Somare amamas long pilai bilong Kumuls. **PES 26.** ■ Westen Hailans laik winim bek PNG Gems taitol. **PES 27.** ■ Makim PNG gems long stopim AIDS. **PES 27.**

Johnston's Pharmacies

For First Aid Kits, Red8 Body Bulk Protein Supplements, Thompson Vitamins, Bandages, Strapping Tape, Mouth Guards.

All Sport and First Aid requirements.

P.O.Box 1066 Boroko. Phone 325 3185. Fax 325 0190. Email sales@johnstons.com.pg."